

الكتاب الأول

مانجاولسن

مصطفی سعد

المجلس الأعلى للثقافة



اهداءات ٤٠٠٠ المحاس الأعلى للثقافة القاهرة

ما نتحاولش مصطفی سعد

لجنة الكتاب الأول

إبراهيم فتحى (مقرراً)
إبراهيم عبد المجيد
حسين حمودة
غيرى شلبى
عبد العال الحمامصى
كمال رمزى
مجدى توفيق
محمد رجاء عيد
محمد عبده محجوب
محمد كشيك
محمد كشيك
محمد كشيك

مدير التحرير / منتصر القفاش

الاخراج الفنى / هشام نوار

التصميم الأساسى للغلاف للفنان محيى الدين اللباد + أحمد اللباد لوحة الغلاف : هشام نوار


- المهتاب الأواء

- ٤٩ -

مانتحاولش

مسرحية

مصطفى سعد



« إن قضية « الحرية » لم تحسم بعد ولقد ثارت حولها الكثير من المفاهيم والمعانى .

ومسرحيتى ماهى إلا حلقة أخرى من ضمن الحلقات الكثيرة التى تدور حول معنى « الحرية » .. ولكن !! السؤال الذى يطرح نفسه : هل هذه المعانى قديمة أم جديدة ؟! وصح أم خطأ ؟! هذا مالا أستطيع أن أجيب عليه ولكننى أتمنى أن يثير هذا العمل الفنى المشاهد .. لعله يصل إلى إجابة ما لهذا السؤال » .

مصطفى سعد

- ۱- الزوجة: في العقد الثالث من عمرها أو أكثر قليلاً وهي تنتقل من هذه المرحلة إلى مرحلة أخرى وهي ما زالت (فتاة في عمر الزهور وقبل الزواج).
- ٢ الزوج: في العقد الرابع من عمره ... قلق ... متوتر ... عصبي المزاج يسيطر عليه أحساس دائم بأنه محبط ومقهور
 ولا يستطيع أن يحقق حلم من أحلامة الكثيرة ... وربا المستحيلة !!! .
- ٣ المدام: متوسطة العمر ... رشيقة القوام ... تعتمد على أبراز بعض مفاتنها لتغرى الرجال ... تبدو وكأنها قوية الشخصية ... آلية المشاعر مستبدة في التعامل مع الجنس الآخر ... لكنها من الداخل ... ضعيفة ... هشة ... نظراً لظروفها الحياتية والاقتصادية .
- ٤ مدام (٢) : بنفس مواصفات المدام وإن كانت تبدو أصغر قليلاً ،
 حالمة أحيانا ساخرة أحيانا أخرى ١١ .
- ٥ الشاب: رزين متزن غير طبيعى في بعض الأحيان ينتمى
 لليسار ويعبر عن وجهة نظرهم .
- ٦ الملتحى: في مقتبل العمر ينتمى للمتطرفين في التعبير عن وجهة نظرهم.

الثساني

أعمارهم مختلفة ... يتميزون بضخامة الجسم وهم الشالث لمن رجال المخابرات التقليدين ... يرتدون البلاطي الصفر والطواقى ويمسكون بأيديهم العصيان ... يتحركون ويتكلمون وكأنهم آلات ... ليست بداخلهم مشاعر أو أحساسيس ولكنهم ينفذون الأوامر فقط.

 ٨ - الشخص: نظراً لأهمية هذه الشخصية في العرض المسرحي لتدخله الكثير والغير عادي يمكن أن يتم تجسيده على أساس أنه « المؤلف » أو « المخرج » صاحب العسل الفني من البداية وحتى النهاية ... كما يتم تجسيده أيضاً على أساس غير طبيعي نظراً لأن العمل بكاملة يغلب عليه « اللاطبيعية » أو هو خليط بين (الواقع) و (اللا واقع) لــذلك أفضــل تجسيده في صــورة « المارد » أو « العفريت » الذي يظهر في حواديت ألف ليلة وليلة ... أو يمكن تجسيده على شكل آلد من آلهة الفراعنة الشهيرة بشكلها الغريب أو أي شخصية أسطورية من أساطيرنا المشهورة وهذا بالطبع لا ولن يتعارض مع شخصيات المسرحية السابقة رغم أن أسماءها تحمل صفات « الشخصيات الواقعية » -أو النماذج البشرية المعروفة لدينا ... ولكن !!

لابد على (المخرج) من خلال عناصر فنه الإخراجى أن يحول هذه الشخصيات إلى « دمى » من حيث الشكل (خصوصاً الوجوه) وكذلك الحركة (غير عادية وميكانيكية إلى حد ما) ... كما أن توافر عنصر «اللعب المسرحى » سوف يساعد على تحقيق هذه الغاية.

المنظر: خشبة المسرح عارية قاماً ... لا ديكور ... لا أثاث باستثناء كرسى ومنضدة صغيرة ومتحركين (على عجل) يكن تحريكهما بسهولة في طول الخشبة وعرضها .

والمفروض أننا في صالة بشقة متواضعة ... أما أجزاء الديكور التي يمكن أن توضع شكل هذه الصالة من مثل « أبواب - نوافذ - جدران » سوف تظهر في الوقت المناسب بطريقة ما من أماكن مختلفة (الجوانب - السوفيتا إذا أمكن) .

هذا في حالة خشبة المسرح التقليدية.

أما إذا ما قدم هذا العمل فى (قاعة) يتم وضع خشبة المسرح وسط المتفرجين وعلى شكل (الحلبة) التى يقام عليها مباريات الملاكمة ولكن بدون حبال ... كذلك يوجد سلم ببضع درجات فى جهتى اليمين واليسار أسفل (الحلبة) مكان المدرب، وفوق الحلبة بالطبع يدخل الكرسى والمنضدة المتحركان.

هذا هو المنظر المسرحى فى هذا العسمل الفنى ... وأنا أفسطل أن يتم تقديمة فى (قاعة) حتى يلتف حوله الجماهير من كل الجوانب وهو عرض يصلح فى الأساس للقاعات أو الأماكن المفتوحة بدلا من المسارح التقليدية المختلفة.

الجزءالأول

يظهر « الشخص » بأسلوب مفاجى، من مكان ما ثم يقفز إلى الحلبة ثم يعطى تعليماته .

الشخص: بس - خلاص - شه - حا نبتدى (يوجه هذا الكلام للمشاهدين ثم لعامل الإضاءة) يالله - اطفى النور (يظلم المسرح بالفعل ما عبدا بقعه من الضوء على الشخص) سيداتى آنساتى سادتى ... مساء الخير. تسر فرقة مسرح (يتوقف لحظة ثم) بلاش دى ... سيادتى آنساتى سادتى ... مع مسرحية الليلة ... مع الكوميديا الخفيفة ... اللاذعة ... الساخرة ... مسرحية (يتوقف لحظة أخرى مفكراً ثم) بلاش دى كمان (ثم بحماس) سيادتى ... آنساتى ... سادتى ... مع المسرحية ها يالله - مزيكا (تعزف المقدمة الموسيقية) ...

الشبخص: (فى ضيق خفى) بس - وقف المزيكا ، إيد ده ؟ (تتوقف الموسيقى) .

عامل المرسيقى: إيه يا افندم - فيه إيه ؟

الشحص : مزيكة إيد دى .

عامل الموسيقى: مزيكة المسرحية.

الشخص: طب وأنا.

عامل الموسيقى: أنت إيه ؟!

الشخص: فين المزيكا الخاصة بى أنا - أمال أنا حاشتغل على إيه ؟!

عامل الموسيقى: (متذكرا) يا خبر - آسف - (ثم تعزف موسيقى توحى بالعظمة والكبرياء).

الشعص: أهو كده هي دي (ثم يذهب إلى مكانه الخاص به ويجلس عليه).

(بعد أن تنتهى القطعة السابقة وهى لن تزيد عن الثوانى ، يبدأ تقديم الافتتاحية الموسيقية للمسرحية) . يظهر « الزوج » وهو يجلس على الكرسى وبجواره تقف « الزوجة » وهى على أهبة الاستعداد للسفر - توجد شنطة سفر بجوار الباب الوهمى .

الزوجسة: أظن دلوقتى أقدر أمشى.

الــــزوج: قرى .

الزوجــة: طب عرفت ها تعمل إيه ؟!

السسزوج: طبعاً ... حانفذ التعليمات.

الزوجية : سبعة صباحاً تقوم من النوم .

السيزوج: حاضر.

الزوجة: تمانية تكون في الشغل.

السيزوج: حاضر.

الزوجية: تلاتة تكون في البيت.

السنوج: حاضر.

الزوجية : تتغدى وتنام .

السنوج: حاضر.

الزوجسة: خمسة تقوم.

السروج: (بضيق وآليه إلى حد ما) حاضر.

الزوجية: ستة تنزل تقعد على القهرة شوية.

الـــزوج: حاضر.

الزوجية: تلعب عشرتين طاولة.

السيزوج: حاضر.

الزوجية: عشرتين مش تلاتة.

السنزوج : حاضر .

الزوجية: تسعة تكون هنا.

السيزوج: حاضر.

الزوجسة: تتفرج على التليفزيون.

السنزوج: حاضر.

الزوجسة: تسهر سهرتك وتنام.

السسزوج: (وقد فاض به) حاضر - حاضر - حاضر .

الشحص: (متدخلا فجأة) تؤ - تؤ.

السيزوج: (للشخص) إيه ... فيه إيه ؟!

الشبخص: حاضر واحدة بس.

السسزوج: (ينظر للشخص بضيق) حاضر.

الشــخص: كملوا .

الزوجية: تسهر سهرتك وتنام.

السسزوج: حاضر.

الزوجــة: وثاني يوم.

السسزوج: (وهو يقاطعها) ما خلاص - فهمت - أنت كدة حايفوتك القطر.

الزوجسة: يعنى أمشى وأنا مطمئنة.

السسزوج: جدا، بس يالله بقى .

الزوجسة: الله - إيد الحكاية - أنت مالك متسريع على خروجى كده ليد ؟!

السسزوج: الولاد تحت وزمانهم قلقانين.

الزوجسة: أنا حاسة أنك عايز تخلص منى.

السسزوج: أخلص منك ليه بس يا حياتى .

الشعفص: (يتدخل مرة أخرى وبضيق) يا بنى مفيش هنا حياتى .

السسزوج: ما أنا بادلعها علشان تمشى.

الشسخص: لسه الكلام ده ... لسه .

الـــزوج: ماشى .

الشخص: اتفضلوا.

الزوجية: أنا حاسة أنك عايز تخلص منى .

الــــزوج: أخلص منك - ده كلام برضه ، خلى عندك ثقة !!

الزوجسة: فيك ١١

الـــزوج: عندك شك.

الزوجسة: (لا تجيب) .

السيزوج: خلاص - يبقي في الحالة دى .

الشخص: (يتدخل ويقاطعة) استنى يا عمى .

السسزوج: استنى إيه ١٦

الشـخص: هي ردت على سؤالك.

السسزوج: لا.

الشخص: أمال جاوبت ليد ؟!

الـــزوج: عايزين نخلص.

الشـخص: (في قوة) مش أنت اللي تحدد - أنا اللي أحدد .

السسزوج: (على الرغم منه) آسف.

الشخص: كعلوا.

السيزوج: (للزوجة) حضرتك عندك شك.

الزوجية: لا .

السنزوج: خلاص.

الزوجسة: ماشى - سلام.

الــــزوج: (وهو يتحرك بها نـحو بـاب الخـروج الوهـمى) سـلام يا حبيبتى .

الشخص: (يتدخل سريعا) استنى يا عمى .

السسزوج: فيد إيد ثانى .

الشخص: الباب.

الـــزوج: باب إيه ١١

الشبخص: اللي حاتخرج منه - والا يعنى عايزها تخرج من الهواء.

السروج: آه صحیح (ثم للزوجة) معلش یا مدام، ثوانی ویکون السروج: الباب جاهز لحضرتك، بس إیه ۱۱ تمشی علی طول وحیاة والدك.

الزوجسة : ماشى - (يظهر باب الخروج من مكان ما) . تتجه الزوجة نحو الباب بالفعل - تنتظر لحظة وهى تفكر ثم تعود إلى الزوج مرة أخرى .

السسزوج: اللهم طولك ياروح ... فيه إيه تانى .

الزوجسة: لأه - بس بافكر.

السيزوج: بتفكرى في إيه ؟!

الزوجية: ما أسيب الأولاد معاك .

الـــزوج: (قافزا من مكانه) لأ ... لأ بقى ... لأ .

الزوجية: الله - مالك أتنطرت كده ليه وركبك العفريت.

الـــزوج: لأ - أنا قصدى - طب مين ياحد بالد منهم.

الزوجــة: أنت.

الــــزوج: وهو أنا حاشوف شغلى والا حاشوف الولاد.

الزوجية: طب ما تسيب شغلك وتيجى معانا.

السنوج : إزاى بس .

الزوجسة: تاخد إجازة.

السيزوج: معنديش.

الزوجسة: خدها بالخصم.

السيزوج: مش حايرضوا.

الزوجــة: ليه ؟!

السسزوج: الشغل كتير.

الزوجــة: شفت.

السنزوج: شفت إيد ؟!

الزوجسة: دايا تصدني.

السسزوج: أبدا والله.

الزوجسة: أمال مش عايز تيجي معانا ليد ١٤

السيزوج: يا حبيبتى - صدقينى ده وهم.

الزوجسة: هو إيه اللي وهم.

السسزوج: أحساسك بأنى عايز أخلص منك.

الزوجسة: طب أعمل إيد في أحساسي ده.

السسزوج: تلغيه.

الزوجسة: إزاى ١١

السسزوج: بأنك تقنعني تمام الاقتناع بأن مفيش حاجة حا تحصل.

الزوجسة : صحيع .

السروج: (يصمد في محاولة إقناعها) طبعا ياحياتي (ثم للشخص) أظن مكانها هنا .

الشخص: مظبوط - كمل.

السسزوج: (للزوجة) طبعا يا حياتى - ليه متصورة أنه فى خلال يومين ممكن يحصل حاجة ... وإيه هى بس الحاجة دى ... ده اللى أنا عايز أعرفه .

الزوجــة: يعنى أمشى .

السسزوج: وأنت مطمئنة خالص.

الزوجية : ماشى - سلام (تخرج من باب الخروج وتختفى) .

السسزوج: (فى فرح غير عادى) أوف - ياساتر - إيد ده - مش مكن ... أخيرا مشيت - ياه - هو الواحد حايلاقيها

منين والا منين ... من اللى فى الشغل ، ولا فى البيت ولا فى البيت منها ولا فى الشارع ... بس برضه فى النهاية خلصت منها (ثم وهو يكاد - يرقص) خلصت منها ، خلصت منها « تظهر له الزوجة من مكان ما ودون أن يشعر » .

الزوجية: (في قوة مطلقة) إيد ده يا أستاذ؟

السيزوج: (وقد فوجيء بها) الله ... أنت .

الزوجية: أنت فرحان والا إيه ؟!

الـــزوج: (في حرج واضح) أنا ؟! طب وحافرح ليد ؟!

الزوجية: ما هو.

الــــزوج: ما هو إيه بس.

الزوجية: (وهى تقلده) خلصت منها، خلصت منها، (ثم) خلصت من مين ؟!

الـــزوج: أنا ؟! أنا برضة أقدر يا حياتي ، هو أنا لي مين غيرك .

الزوجسة: يا سلام .

الـــزوج: بلاش اللي بيدور في عنقلك ده، وخلى عندك ثقة في نفسك .

الزوجية: لهو أنت فاهم أنى باغير عليك ... أنا ولا يهمنى .

الـــزوج: أمال تصرفاتك دى معناها إيه ١٢

الزوجية: المسألة - مسألة كرامة مش أكثر.

الـــزوج: طب ممكن أعرف رجعت ليه ؟!

الزوجسة: أصلى خايفة أغيب.

الـــزوج: مش مكن.

الزوجسة: الحالة صعبة.

الـــزوج: ما تخفيش.

الزوجسة: ولوجرالها حاجة.

الـــزوج: مش حا يجرى .

الزوجــة: إيد اللي يمنع .

السنزوج: العصر اللي إحنا فيه.

الزوجسة: عصر إيد ١٤

الـــزوج: عصر التكنولوجيا.

الزوجسة: وإيه دخل التكنولوجيا في مرض أمي.

الـــزوج: لأن الست الوالدة بيعالجها طبيب.

الزوجسة: ما أنا عارفة.

السسزوج: والطب يعنى علم.

الزوجسة: مضبوط.

السسزوج: وبما أن العلم وصل إلى أرفع المستويات ... يبقى كذلك السسزوج: وبما أن العلم وصل إلى أرفع المستويات ... وبالتالى والدتك أكبيد حاتخف - معادلة رياضية بحته .

الزوجية: وافرض ماتت.

الـــزوج: وليه تفترضى.

الزوجية: حساسة.

السيزوج: لأه، دانت حاسة بحاجات كتير قوى النهاردة.

الزوجــة: طب أعمل إيه ؟!

الــــزوج: وفرى عليك المشوار ... وأبعت لها الحانوتي .

الزوجسة: أخرس (بمعنى تف من بقك) .

الـــزوج: يووه (بمعنى طهقتينى في عيشتى) .

الزوجسة: على كل حال - أنا مش حاطول.

السيزوج: براحتك.

الزوجية: هم يومين بالكثير.

السسزوج: إن شاء الله يكونوا يوم.

الزوجــة: يعنى أمشى .

الـــــزوج: زى ما أنت عايزه - تشى - تقعدى ... أنت حره .

الزوجسة: طب سلام (ثم تخرج من الباب سريعاً).

السسزوج: (ينتظر لحظة ثم ينظر عليها ويتأكد من خروجها ثم)

أوف ... إيه ده ... إيه ده - ست دى ولا حمه - عاملة زى الكابوس ... كابس على قلبى بشكل غريب - إيه

يعنى ... باطلب المستحيل - وأنا ما صدقت جت لي

حكاية أمها دى علشان تمشى - وبرضه مس عايزه تمشى ... ما أعرفش ماتبته على إيه (يتأكد من خروجها مرة أخرى) لأ المره دى ... مشيت فعلا ... يعنى أنا كده بقى ... حسر ... حسر ... فعلا ... معقوله ... أنا حر (تظهر الزوجة مرة أخرى من مكان غير متوقع) .

الزوجسة: حريعني إيد ؟!

السروج: يخرب بيت أهلك يا شيخة - معقوله ... ثانى - (ثم وهو يوجه حديثه للشخص الذى يحاول كتم الضحك) إيه يا عمى ... إيه الحكاية - هو أنا كل ما حاقول جملتين - حاتروح نطالى الهانم - ما خلاص - ما عرفنا أنها زوجة مملة ... هى شغلانة ... مش طريقة شغل دى -ها ... (ثم يجلس فى مكان ما) .

الشبخص: الله ... أنت حاتقعد.

السسزوج: طبعا.

الشخص: طب ليه ؟!

الـــزوج: تعبت يأاخى ... إيه ؟! هو أنا مش بنى آدم .

الشخص: طب خلاص ... خلاص .

السيزوج: خلاص إيد ؟! أنت مبسوط من اللي بيحصل ده.

الشبخص: مش مسالة مبسوط - بس هي ظريفة .

السنوج: هي إيد اللي ظريفة.

الشسخص: اللعبة.

الــــزوج: طبعا - ما انت قاعد ومرتاح وعمال تتفرج.

الشـخص: طب ما انت برضه عمال تصول وتجول ... عايز تنهب .

الــــزوج: ياسلام - طب تعالى مكانى ... وهات مكانك - إيه رأيك بقى .

الشبخص: يعنى عايزنا نخش في الجد.

الـــزوج: لو سمحت.

الشبخص: ماشى - لا مؤخذاه يامدام - معلش المرة دى .

الزوجسة: يعنى إيه ١١

الشخص: حاتكمل من غيرك.

الزوجية: ماشى (تخرج وتجلس وسط المتفرجين).

السيزوج: لأ - تخرج بره خالص.

الشخص: معلش يا مدام - بره القاعة خالص .

الزوجسة: مفيش مشكلة ... عادى (تخرج بالفعل خارج القاعة).

الشخص: مبسوط ياسيدى ... يالله بقى كمل .

السيزوج: حاتكمل من فين ؟!

الشبخص: من ساعة ما خرجت المدام وسافرت.

السسزوج: ماشى (لحظة صمت ثم) أوف - الحرية - مش ممكن - تكون دى زوجة أنا مش عارف حبتها إزاى فى يوم من الأيام وإزاى قلت لها بحبك - بس أنا ! قلتها فعلا ... خسارة - خسارة أنك تحب واحدة حب كبير وعظيم . وفى النهاية تكتشف أن مش هى دى الإنسانه اللى كنت بتحبها .

(لعب مسر*حی*) .

السروج: (تصاحبه موسيقى ناعمة وحالمة فى آن واحد) أنا اللى حبيتها كانت ملاك ... كانت حلم ولازم يتحقق ... كانت الأمل ... المستقبل الحلو اللى بتحلم بيه وبتعيش علشان تحققه ، (تبدأ الإضاء تخفت ما عدا بقعه من الضوء تسلط عليه فقط) لكن مع الأسف فجاة ... ومع الأيام تكتشف أن كل ده وهم سراب (فجأة يتذكر شيئا ما ثم وهو يحدث الشخص) الملاية يا عمى .

الشـخص: إيد ؟!

السسزوج: الملاية فين، أنت ها تسرح ؟

الشخص: أه صحيح ... ثواني (تظهر ملاية بيضاء من مكان ما بالقاعة).

السنوج: (لعامل الموسيقى) مزيكا (تعزف الموسيقى الحالمة ثم يعيد الجزء الأخير من منولوجه السابق ثم وعند النهاية يحدث الشخص) يا عمى ... الملاية مش مظبوطه.

الشخص: إزاى ؟

الـــزوج: ما انتش شايف.

الشخص: أيوه عندك حق (يضبط الملاية البيضاء في وضعها المسخص الصحيح) .

الـــزوج: (لعامل الموسيقى) مزيكا (تعزف القطعة السابقة مرة أخرى وبالتالى يعيد الزوج الجزء الأخير من منولوجه السابق).

(تعزف قطعة موسيقية راقصة ناعمة ثم تظهر الزوجة وهي ترقص من خلف الملاية بطريقة السلويت وتبدو مغايرة قاما لما كانت عليه من قبل في شخصية الزوجة ... فهي رشيقة القوام ... رشيقة الحركة شعرها ينساب على كتفها ... إلخ وهذا التغيير لابد وأن تراعيه المثلة التي تودى هذه الشخصية من خلال اختيار الملابس والفرق في اللون والموديل بالإضافة لمكياج وجهها ... إلخ .

الزوج : (في رقة متناهية وهي تحاول الاقتراب من الزوج) عارف أنت إيه بالنسبة لي ؟

الــــزوج: (وهو يحاول الابتعاد عنها بقدر الإمكان) إيه ؟!

الزوجسة: أعظم إنسان في حياتي .

الـــزوج: النهاردة أنا بقيت أسوا إنسان في حياتها.

الزوجسة: (مازالت في عالمها) وعارف أمنيتي إيه ؟

السسزوج: عارفها ... تحطميني .

الزوجــة: هو ده سرحبي ليك.

الــــزوج: (مندهشا من ردها) يا سلام.

الزوجسة: (بمنتهى الرقة والحنان وهمى تلتف حوله كالجنبه) بحيك.

السيزوج: أجمل كلمة واتعس فعل.

الزوجسة: بحبك.

الــــزوج: أحلا نغمة - ولا أعظم أوركسترا في العالم يقدر يعزفها .

الزوجـــة: بحبك .

الــــزوج : أزاى قدرت أصدقها .

الزوجـــة: بحبك ... بحبك ... بحبك .

الـــزوج: ساعتها اتحداك لو ما صدقتهاش.

الزوجسة: أحنا الاثنين أتخلقنا لبعض.

السيزوج: (بخوف وذعر) أخ ... الفخ .

الزوجية: (بنعومة وإغراء واضح) تعالى ... تعالى .

الـــزوج: (بقوة وتحدى) لأ.

الزوجية: تعالى قرب منى .

الــــزوج: لأ ... لأ ... (وهو يقترب منها بالفعل) .

الزوجية: قرب كمان ... كمان ... كمان .

الـــزوج: لأ ... لأ (يكون قد وصل إليها وأمسكت به ... تعود الموسيقى الراقصة مرة أخرى فيرقصان معا فى فرح ونشوة ويندمجان فى الرقص قاما ولكن فجأة يتوقف الزوج عن الرقص وكذلك الموسيقى) .

الشخص: إيد مالك ... وقفت ليد ؟!

السسزوج: لأه ... بس .

الشـخص: بس إيه ؟

السيروج: هو أحنا حانفضل نرقص على الناشف كده.

الشبخص: يعنى إيد ... مش فاهم.

الـــــزوج: يعنى المفروض تبعت لنا حتتين مله ... مرتبة سرير ... مرابد سرير ... مخدة ملاية علشان نتغطى ... يعنى كلك نظر بقى .

الشـخص: أفندم ... لهو أنت ناوى تعمل إيد ؟

السسزوج: اللي بيعمله أي زوج مع مراته ... مش حقى .

الشعص : أيوه ... بس المفروض ... اللحظة دى من الماضى ...

وبعدين هي لسه ما كانتش مراتك والا أنت عملت حاجة .

السيزوج: لأ ... ما عملتش.

الشخص: يا مدام.

الزوجسة: والله ما قدر يلمس إيدي حتى.

السنزوج: يا مدام.

الزوجسة: أنا ... ده ياما حفى ورايا علشان ياخد منى نظره من عيونى اللى تجنن .

السيزوج: يا مدام.

الزوج ... أنا ... هو كان يقدر ... والله ما كان عندى إلا الشبشب النوج الله عندى الله في رجلي .

الشـخص: طب بقى ... ما هو.

الـــــزوج: ما هو إيد ... الماضي ده من وحي خيالي أنا .

الشـخص: نعم ا! هو ماضي وألا خيال .

السسزوج: لأ ... هو ماضى ... بس فيه بعض الخيال .

الشـخص: يعني إيه ؟

السروج: يعنى من حقى أعمل فيه زى ما أنا عايز ... وده خيالي وأنا حرفيه.

الشيخص: بس المفروض تبقى حقيقى.

السيزوج: مفيش حد حقيقى في الأيام دى ولا يقدر يبقى

حقیقی ... اشمعنی أنا یعنی ... ومفیهاش حاجة لما أجمله شویة .

الشـخص: ما قلناش حاجة بس.

الــــزوج: وبعدين لعلمك بقى ... إحنا بنكسر الدنيا ... بس فى الخيال ... لكن فى الواقع ياعينى علينا ... بنخاف من بكره ... وعلى العيال ... ونفضل ننافق ونقرع ونكذب ونخدع نفسنا ... لكن لما بنيجى نحلم بقى ... بنعمل عـمايل ... نشتم ونرفض ونشور ... لأ ... ونصر كمان ... تخيل .

الشحص: قصر الكلام ... أنت عايز إيد .

السسزوج: شوف إذا كانت المرتبة والمخدة أوفس شويه ... ممكن نخليها شوية نور أحمر مع ستاير بمبى مسخسخ ... ينفع .

الشخص: مش مشكلة.

السسزوج: يبقى اديني أحمر (ثم للزوجة) والاعايزة أخضر.

الزوجية: لأ ... الأحمر واخدين عليه .

السسزوج: أوكية ياروحي ... إديني أحمر.

الشخص: أديله يابني أحمر (لعامل الأضاءه - فتتغير الأضاءه الشخص العامه إلى اللون الأحمر) ها ... مبسوط يا سيدى .

السيزوج: قرى ... فين بقى الستاير.

الشخص: أديله يابنى الستاير (تنزل ستاير باللون البمبى المسخص المسخسخ من مكان ما بالقاعة ويتحول المكان إلى منظر جميل آخاذ) ها ... عايز حاجة تاني .

الـــزوج: لأه ... ده كده حلو قوى .

الشـخص: طب محكن تشتغل بقى.

السسزوج: عينيه ... مزيكا (تعود الموسيقى الراقصة مرة أخرى)
(اللحظة القادمة من الماضى ولابد وأن يسيطر على أداء كل من الزوج والزوجة الحماس والحيوية لأنها في فترة الشباب والأمل والبعد عن اليأس والأحباط اللذان يعيشان فيه الآن نتيجة الظروف الاقتصادية التي يعانون منها ... وهذه ملحوظة مهمة) .

السيزوج: (مفزوعا ويحاول الهروب من الزوجة) لأ.

الزوجسة: هو إيد اللي لأ.

السروج: اللي أحنا بنعمله ده.

الزوجسة: بس أحنا اتخلقنا لبعض.

السسزوج: ده صحيح.

الزوجــة: طب إيه اللي يخلينا ما نرطبتش؟

السنزوج: الخوف.

الزوجة: الخوف من إيه ؟

الـــزوج: من الأحلام.

الزوجية: بس دى أحلا حاجة في حياتنا.

الـــزوج: بس بتبقى جحيم لو ما اتحققش.

الزوجية : طب وليد ما تتحققش .

الــــزوج: الظروف اللي أحنا بنمر بيها.

الزوجية: بس أحنا ظروفنا أحسن كثير من ظروف اللي قبلينا .

السروج: قصدك أهالينا.

الزوجسة: بالضبط.

الـــزوج: بس أنا أمى قعدت تكافح علشان تحقق حلم واحد فى حياتها ... ومع ذلك .

الزوجــة: ومع ذلك إيه.

الــــزوج : ما عرفتش ... وماتت ياعيني لا حول لها ولا قوة .

الزوجــة: بس أمك كانت وحيدة.

السروج: وأنا مش وحيد ؟!

الزوجية: أنا معاك وإلى الأبد ياحبيبي .

السيزوج: ده كلام كتب وروايات.

الزوجسة: أنت ليه متشائم.

السروج: علشان خايف من التكرار.

الزوجسة: تكرار إيد.

السروج: تكرار أمى وأبويا.

الزوجسة : وإزاى حاتكرر أمك وأبوك .

الــــزوج: ما هو أنا لازم أبقى أبويا ... وأنت حاتبقى أمى .

الزوجسة: أنت بتخرف.

السنزوج: دى الحقيقة.

الزوجسة: حقيقة إيد؟

السنوج: حقيقة العالم اللى أحنا عايشين فيه ... فيه ناس معينه بتغيرش أبدا ... بينفضل طول حياتها زى ماهى ... ما بتتغيرش أبدا ... إلا إذا .

الزوجسة: إلا إذا إيد ؟

السسزوج: واحد منها نط من تحت لفوق.

الزوجية : طب وأزاى الإنسان ينط.

الــــزوج: لما يتعب ... لما يحلم وما يعرفش يحقق أحلامه ... لما يستسهل ... لما يبيع لما يرخّص نفسه .

الزوجسة: يبقى مش لازم ينط.

الـــزوج: يبقى حايفضل طول عمره غلبان ومسكين وحقير.

الزوجــة: بس أنا متفائلة.

السنزوج: علشان أحلامك قريبه.

الزوجسة: مش فاهمة.

الـــزوج: أنت بتحلمي تنقذي نفسك.

الزوجية : طب وأنت .

الــــزوج: أنا باحلم أنقذ الناس كلها.

الزوجــة: طب أزاى .

السروج: بأنى أقول الحقيقة.

الزوجسة: طب ما تقولها.

الــــزوج: ما أنا ما عرفتش.

الزوجسة: حاول تاني .

الـــزوج: حاولت وفكرت ... بدل ما أقولها ... أكتبها .

الزوجسة: هايل.

السسزوج: أنا بأحب المسرح ... ده كان أول حلم في حياتي .

الزوجسة: وحققته.

الــــزوج: ما قدرتش.

الزوجــة : ليه بس .

السسزوج: لأنى دخلت كلية الهندسة.

الزوجسة: طب فيها إيه دى.

السسزوج: ما أنا كان لازم أخش آداب.

الزوجسة: وليه ما دخلتهاش.

السيروج: الخوف من بكره.

الزوجية : ودى مالها ومال الهندسة أو الآداب (وقد فاض بها) .

السيزوج: ما هي الهندسة النهاردة بتأكل عيش ... لكن الآداب ما بتوكلش .

الزوجسة: مين بس اللي قال الكلام ده ؟

السروج: المجتمع اللى بنعيش فيه ... مش هو اللى بيحدد قيمة كل واحد ... قيمة السباك وقيمة الأديب ... قيمة الرقاصة وقيمة الفنان ... مين اللى فوق ومين اللى تحت ... مين اللى معاه ومين اللى ما معهوش .

الزوجسة: بس أنا بحبك ـ

السروج: وأنا برضة.

الزوجسة: طب والعمل.

الـــزوج: مفيش قدامنا غير حل واحد.

الزوجية: إبدهو (بفرح مطلق).

السسزوج: نفترق.

الزوجسة: (بفرح وقوة وتمسك بأهم أحلامها) لأ ... بأقولك إيه ؟ وأحنا سبع سنين حب جارف ... ثلاثة في الجامعة ... وأربعة بره ... ده غير الكلام والأحلام والجوابات واللف والدوران في الشوارع والنواصي وحفلات السينما من

أربعة لسبعة في عز الحر وميعادنا بكره الساعة خمسة ... وجى دلوقتى تقولى ... عايز جواباتك ... لأه ... وأنا من شبرا ... أصحى يا حبيبى .

السسزوج: (وقد فوجى، بها بالطبع وهى تتحول من الرقة العذبة إلى الروح المقنّع) الله ... الله ... إيسه يا حساتى ده كله ... أمال يعنى حا نعمل إيه ؟

الزوجسة: حا نرتبط.

السيزوج: وحلمي.

الزوجــة: حا نحققه يا حبيبي ... حا نحققه .

السنوج: بالكلام.

الزوجسة: لأ ... بالفعل .

السزوج: إزاى.

الزوجسة: أنت مش بتحب المسرح.

الـــزوج: أه.

الزوجسة : خلاص ... حبد ... عايز إيد تاني .

الـــزوج: عايز أكتب مسرح.

الزوجسة: خلاص ... أكتب.

الــــزوج: (حالما) أكتب زى ما أنا عايز ... وأقول الحقيقة بدون لف ولا دوران .

الزوجسة : طبعا .

السنزوج: وأنت معايا.

الزوجسة: معاك.

الــــزوج: وحا تقفى جنبى .

الزوجسة: جنبك لحد آخر العمر.

الـــزوج: مش حا تتعبى .

الزوجسة: أبدأ.

الـــزوج: مشحا تندمي.

الزوجــة: أبدا ... أبدا ... أبدا .

السسزوج: يا حبيبتي.

الزوجسة: يا حبيبي (وهما يحتضنان بعضهما) .

الشبخص: (يتدخل فجأة ثم وهو يصفق لهما) هايل ياولاد ... جميل قوى (ثم للمشاهدين) صفقوا ياناس ... شجعوهم يا أخوانا ... يا سلام الله أكبر ... إيه ده ... قد أيه الأمل حلو وجميل ، لا وأنتم قد إيه رايقين وقد

إيد مندمجين ... لأ ... برافو ... برافو حقيقى .

السيزوج: (مندهشا من الشخص) يا سلام ... عجبتك قوى .

الشخص: جداً ... خصوصا الحتة الأخيرة بتاعة أبدا ... أبدا ... أبدا ... أبدا ...

الــــزوج: طب ممكن بقى تسيبنا نكمل.

الشحص: الله ... أنت اتضايقت وألا إيه ؟

الـــزوج: مش مسألة اتضايقت إنما فوجئت.

الشحص: فرجئت بإيه.

السسزوج: بحماسك ده.

الشخص: طب وفيها إيه ؟

السروج: بس اللي أعرفه ... أن حضرتك عارف اللعبه من أولها لأخرها أو بعنى أدق ... أنت اللي عاملها .

الشخص: وده يمنع أنى أشجعكم.

الـــزوج: طب يا سيدى ... تشكر.

الشــخص: العفو ... ولاحظ أنه مش من حقك تناقش ... ماشي .

السسزوج: ماشى .

الشحص: أسفين يا هانم ... اتفضلوا ... كملوا .

(يعيد كل من الزوج والزوجة حوارهما السابق في الجزء الأخير منه وفي نهاية الحوار يحدث اظلام تام ، ثم تعود بقعه من الضوء ونجد الزوج وحيدا وقد اختفت الزوجة) .

السسزوج: (بمنتهى المرارة) كلام وأحلام ... بيبقوا حلوين قوى لما بيكتشف بيبقى الواحد لسه عنده أمل ... لكن مع الأيام بيكتشف أن كل ده كان كلام فارغ ... وهم وسراب خادع ...

اتجوزنا في يوم كذا من شهر كذا لسنة كذا ... وعشر سنين في الجحيم ... عشر سنين باكتب في مسرحية يتيمة ومش عارف أخلص المشهد الأول حتى ... (ثم ساخرا) قال اكتب قال ... اكتب إيه ؟! (لحظة صمت ثم متذكرا) الله ... ألا بالحق ... هي فين المسرحية (يبحث عنها في المكتب) الله ... هي فين ؟! (يبحث في أماكن متفرقة) أنا كنت شايلها هنا ... تبقى أكيد هنا ... ولا هنا ولا هنا برضة ... معقولة ... أمال راحت فين ؟! هيء - حتى بقايا الحلم ضاع « أمال راحت فين ؟! هيء - حتى بقايا الحلم ضاع « يفاجيء بالشخص وهو يقدم له من مكانة جردل أو سلة مهملات قديمة » .

السسزوج: (مندهشا) إيد ده ١٤

الشبخص: صفيحة الزبالة.

الــــزوج: وعايزني أعمل فيها إيه ؟!

الشخص: دور فيها ـ

الــــزوج: أدور فيها على المسرحية ... أنت أتجننت .

الشخص: جرب ... مش حايخس عليك حاجة .

السسزوج: ماشى (يأخذ الصفيحة ثم يبحث فيها فيجد بعض الأوراق) يا خبر ... دى هى أدى صفحة أربعة ... ودى

أثنين ... ودى خمسة ... أمال فين واحد وثلاثة ... (ما زال يخرج الأوراق من الصفيحة) ودى ستة وسبعة ... أمال فين واحد وثلاثة ... أيوه ... أهم !!

الشحص: ها - عرفت أنا باساعدك قد إيه ؟!

الـــروج: أنت بتسمى دى مساعدة - بقى كونى أعرف أن الهائم مراتى ... أقرب الناس إلى ... بترمى الورق اللى بيعتبر أهم شىء فى حياتى فى صفيحة الزبالة - تعتبر مساعدة !! ده أنت خبيت خبث .

الشخص: بالعكس ... أنا عايز أنورك .

السيزوج: بالطريقة دى .

الشخص: عندك طريقة تانية.

السنزوج: بس دى قاسية قوى .

الشخص: ماهى المصيبة أنكم عمالين نفسيكم مفتحين قوى ... الشخص لكن الحقيقة ... أنتم عمى .

السسزوج: يا سلام - أزاى ؟!

الشخص: علشان مش فاهمين ... واللي فاهمين عسالين مش فاهمين ... طب أعمل إيه !! كمل ... كمل .

السسزوج: (يسك بالورق ويقرأ فيه بصوت مسموع) المشهد الأول - المنظر حجرة متوسطة بشقة متواضعة - علشان أبين

الحالة الاقتصادية بتاعة الأبطال. النقطة دي مهمة جدا ... (لحظة ثم) الشخصيات بقى ... الزوج طبيب وغلبان متواضع وعلى خلق حسن ... أما الزوجة ... فهى شرسة قوية الشخصية يصورة مرضية « آلية الأحاسيس والمشاعر ... نكدية كئيبة - بالعربي - ولية تعبانة ... وشكلها مكعبر ... حاجة كده (يشعر بنشوة غير عادية وهو يصف الزوجة) ياسلام ... أكيد مراتي قرت الكلام ده فهمت أنا بأقصد إيد ؟! (يعود للقراءة مرة أخرى) الزوجة وهي تحدث زوجها (يمثل الحوار المقروء بالفعل) عرفت حا تعمل إيه ؟! (يقلد زوجتة دون وعي منه) يرد الزوج بقرف ... طبعا ... حانفذ التعليمات (بصوت زوجتة) سبعة تقوم (بصوتة) حاضر (بصوتها) سبعة وعشرة تفطر (بصوتة) حاضر (بصوتها) سبعة وتلت تعمل تواليت (بصوتة) أفرض مش حزقاني (بصوتها) وبعدين ... لازم تعمل تواليت ... (بصوتة) ... حاضر (بصوتها) سبعة ونص وخمسة تروح الشغل (بصوتة) حاضر ...

السسزوج: ثم فجأة ... وعلى حين غرة ... يحدث خبط بقوة على السروج: ثم فجأة ... يشهق الزوج ... الخبط ما زال على الباب ثم

يصيح ... مين ١٠

لكن لا أحد يرد ... والخبط ما زال على الباب الزوج يتوتر ... والخبط مستمر ... ثم في النهاية يتحرك الزوج ليفتح ثم (يخرج الزوج من اندماجه ثم) بس ... ووقفت لحد هنا ومن عارف أكمل .

الشخص: (متدخلا وكأنة لا وعى الزوج أو ضميره) طب مش عارف تكمل ليه ؟!

الـــزوج: بصراحة ... أنا أصلى مش عارف مين اللي بيخبط.

الشخص: طب ليه ؟!

السيزوج: لأنى قعدت فترة طويلة قوى ... استنى حد يخبط ...
لكن مع الأسف ما حصيل – ساعتها حسيت
بأحباط ... واتعجبت جدا . هو ليه محدش خبط ...
ها ... ليه ؟١

الشخص: أعتقد أن الخبط بيعنى الخلاص ... بس ياترى الخلاص من مين ؟!

الـــزوج: (على الفور وبثقة) من مراتى طبعا.

الشخص: مرات مين ١١

الــــزوج: (وهو ينتبه) أقصد - الخلاص من مراته - مرات البطل اللي في المسرحية.

الشخص: آه.

السنوج: بس تخيل بقى - أنا عارف دلوقتى ... مين اللى بيخبط .

الشخص: (وهو يشجعه) والله العظيم.

السيزوج: (بحماس قوى) أيوه ... ولازم أروح أفتح ... لأ ... قصدى أروح أكتب فين الورق ... فين الاقلمة (يخرج من درج المكتب بعض الأوراق والأقلام) (ثم يبدأ في الكتابة بصوت مسموع) خبط بقوة على الباب ... يشهق الزوج ثم يصيح ... مين ... مين ... لا أحد يرد ... لكن الخبط ما زال على الباب بقوة ... يكاد يكسر الباب ... فجأة يتحرك الزوج ليفتح الباب ثم . يكسر الباب ... فجأة يتحرك الزوج ليفتح الباب ثم . عائدة من حجرة النوم ... فهى ترتدى الملابس المنزلية وقسك بيديها ملابس أطفال وتشتغل بالأبرة فيها ... تضع ايشارب فوق رأسها بالإضافة إلى نظارة نظر طبية فوق عينيها) .

الزوجية: (في قرة غير عادية) ها - أنت حاتفضل قاعد كده .

الـــزوج: ما أنا أستنيت حد يخبط.

الزوجسة: مش تفوق لنا شوية.

الـــزوج: ومع ذلك ما فيش فايدة.

الزوجسة: جرى إيد ؟! ما تسيبك من اللي في أيدك وخليك معايا .

الــــزوج: (بضيق مكتوم) أفندم - نعم - عايزة منى إيه ١٤

الزوجسة: تبضت.

الـــزوج: الفلوس عندك على الشفنيرة.

الزوجسة : ما أنا خدتهم .

الـــزوج: أمال عابزة إيه تانى .

الزوجية: الفلوس مش كفاية.

الـــزوج: مش كفاية ليه ١٤

الزوجــة: المصاريف علينا كثير.

الـــزوج: ومرتبى ؟!

الزوجــة: خلص.

السيزوج: ومرتبك ؟

الزوجسة: خلص.

السيزوج: الله. أنت علقتي يا روحي !!

الزوجسة: أفندم ... أنت حا تهرج ... رايق قوى .

الـــزوج: مش قصدى ... بس ...

الزوجـــة : بس إيه ؟!

الـــزوج: مش تمسكى إيدك شوية.

الزوجسة: نعم ١٤ هو أنا بأجيب حاجة زيادة - الأسعار زي النار.

السيزوج: طب والعمل ؟!

الزوجــة: لازم تتصرف.

السسزوج: أتصرف إزاى ؟!

الزوجسة: تدور على شغل أضافى .

الــــروج: (بفرح وأمل) ما أنا باشتىغل أهو، اسمىعى كتبت إيه ؟!

الزوجسة: (تضحك بخفة ساخرة منه).

الــــزوج: (لا يعير ضحكها أى اهتمام) خبط بقوة على الباب. يشهق الزوج.

الزوجسة: (تزداد في ضحكها منه).

السسزوج: يصيح الزوج ... مين ١١

الزوجية: (تستمر في الضحك وبقوة).

السروج: (وهو يقاوم) لكن الخبط مازال على الباب (تضحك الزوجة) يكاد يكسر الباب (تلاحقة بالضحك) فجأة يسكت الزوج ويتنيل على عينه (ترفع في ضحكها بينما يهبط هو في حماسة ثم) أقدر – أعرف – سيادتك ... بتضحكي على إيه ؟!

الزوجسة: (ببساطة متناهية) عليك طبعا.

السنوج: (بكبرياء واضح) نعم ؟!

الزوجسة: أنت بتسمى اللي بتكتبه ده. شغل.

السنوج: أمال ده إيد ؟!

الزوجسة: ده كلام فارغ يا حبيبي .

السيزوج: (محدوما) كلام ... فارغ.

الزوجــة: شوفلك شغلة تأكل عيش.

الـــزوج: أيوه ... نفس المأساة .

الزوجسة: مأساة إيه ؟!

الــــزوج: بدل ما أخش آداب - أخش هندسة قسم مجارى .

الزوجسة: فكر بعقل يا أستاذ - أحنا عندنا ولاد .

السسزوج: يعنى إيد ١٤

الزوجسة: يعنى تدور على شغل إضافى بعد الظهر.

السروج: مظبوط يامدام - وأبقى زى الطور.

الزوجسة: طور إيد ؟!

السسزوج: الطور اللي بيعموا عينيه ويفضل يلف في الساقية طول النهار ويفضل يلف ... ويلف ... ويلف ... لحد لما هُن ...

الزوجسة: إيد ؟!

الــــزوج: يقع من طوله ... يطب ساكت.

الزوجيسة: مش مهم.

السسزوج: أمال إيه هو المهم .

الزوجسة: الولاد.

السيزوج: وأنا ١٤

الزوجسة: شكلنا قدام الناس.

السسزوج : وأنا ؟

الزوجسة: (وهى تثور فيه) أنا ... أنا ... إيه ؟! هو ما فيش حد غيرك على الأرض.

السروج: أنا ... إنسان يا هانم.

الزوجسة: ياخويا ... لو إنسان وبتحس ... يبقي لازم تشتغل ليل نهار ... أمال أحنا خلفنا ليه ؟!

السيزوج : علشان نكرر المأساة .

الزوجسة: مأساة إيد ١٤

السسزوج: أمى وأبويا.

الزوجسة : حا ترجع تاني للكلام الفارغ .

السنزوج : والأحلام .

الزوجسة: ولادنا حايحققوها.

الـــزوج: معقولة ... يعنى مش حايكرروا مأساتنا .

الزوجسة: أنت مفيش على لسانك غير الكلمة المقرفة دى .

الـــزوج: عندك حق ... أنا لازم أدور على شغل.

الزوجسة: ده الكلام.

الـــزوج: وأشتغل بقى ... صبح وبالليل.

الزوجسة: علشان نضمن مستقبل ولادنا يا حبيبي .

السروج: أيوه ... أقوم الصبح وعالشغل عدل ... وأجى الظهر وأطلع على الشغل عدل ... وأرجع أنام بالليل علشان أقوم الصبح وعلى الشغل عدل ... الله .

الزوجسة: الحياة كفاح يا أستاذ.

السخروج: (بمنتهى السخرية والمرارة) وبعدين ... أموت ... تخيلي !!

الزوجسة: (بثقة وتأكيد) بس ولادنا حا يعيشوا.

السنوج: زينا ١٢

الزوجية: لا أحسن مننا.

السسزوج: إيد الدليل.

الزوجسة : قطعا ظروفهم حا تبقى أحسن من ظروفنا .

الــــزوج: طب ويا ترى أحنا ظروفنا كانت أحسن من ظروف اللى قبلينا ؟!!

الزوجسة: أكيد.

السسزوج: إزاى ١١ رغم العذاب اللي إحنا فيد ده ... وأحسن

برضه .

الزوجسة: أنت ليد متشائم.

السروج: ییه ... تانی ... ماهو ده اللی مودینا فی داهیه ... عایزانی دایا أبقی متفائل ... هی مشکلة علی فکرة ؟!! أو یکن وراثة ؟!!

الزوجية : هو إيه اللي وراثة ؟ (وهي لا تفهم ما يدور بتفكيره) .

السسزوج: اللي أحنا فيه ده.

الزوجسة: بلاش كلام فارغ.

السسزوج: فيه كام واحده زيك.

الزوجسة: يوه!!

السسزوج: وفيه كام واحد زي ؟!!

الزوجسة : ييد .

الـــزوج: ومع ... ذلك الحياة مستمرة ... والناس عايشة . والأهم من ده كله أنهم ... متفائلين ... وعجبى !!

الزوجية: بأقولك إيه ١٤ بلاش تخرج عن الموضوع.

الـــزوج: عندك حق.

الزوجسة: أديني نبهتك وأنت حر.

السيزوج: حر ١١٢ (بفرح) صحيح أنا حر .

الزوجسة: آه

الــــزوج: يعنى أقدر أرفض طلبلك ده مثلا.

الزوجسة: طبعا لأ.

الـــزوج: (ساخرا) يبقى أنا حر فعلا.

الزوجسة : مش قلت لك ... تصبح على خير (ثم تختفى من مكان ما بالقاعة) .

السروج: (وحيداً في مكانه) مفيش فايدة أصل المشكلة عريصة ... بس سببها إيه ؟! الفقر ولا الحاجة ولا القسمة والنصيب ؟! أنا أمي ماتت في مستشفى درجة ثالثة وأدفنت في مدافن الصدقات ... كان ممكن قرت في مستشفى درجة أولى ويبقي لها مدفن بأسمها ... على الأقل الواحد يقدر يزورها علشان يتعظ ... لكن دلوقتى ... أزورها فين ؟! مسكينه ... قعدت طول حياتها تكافح ... وتحرم نفسها علشان تربيني ... وفي الأخر ... ماتت ؟! .

وأبويا طول عمره كان يخاف من بكره ... وأخيراً قرر أنه ينساه ... قعد يشرب ويشرب وكان كل ما ينيد في خوفة ... يزيد في الشرب ... وطبعا في الأخر ... مات ... طب سبب موته هنا إيه ؟! الخوف من بكره ... ولا الشرب وأنا بالعقل

كده ... بأقول الفقر ... بس فيه ناس تالتة تقولك ... لا یابنی ده مکتبوب ... هو عبمبره کنده ... وکل دی أسباب وهكذا ندور في حلقة مفرغة (لحظة صمت ثم) تؤ أنا قرفت ... زهقت كمان ... أحسن حل ... ما أفكرش ... ولا اكتبش مسرح كمان ... ده كلام فارغ ... أحلام ورديه ملهاش معنى النهارده هي فين المسرحية (يتحرك إلى المكتب ثم يمسك بالأوراق وعزقها بعنف) بس علشان ما أقعدش أحير نفسى (لحظة صمت ثم) کده بقی آنا حر ... آنا دلوقتی قدامی ٤٨ ساعة حرية ... لازم أعيشهم بحرية فعلا وحا ابدأ حريتي بالعربده ... زي أبويا بالضبط ... وإذا كان هو خسر الأخره ... فعلى الأقل كسب الدنيا ثم أنا بطريقتم المحيرة دى ... وتساؤلاتي الكثيرة ... ده ليه وازاي وعلشان إيه واشمعني ... واحتمال في الآخر اكفر ... يبقى لا حا اكسب الدنيا ... ولا الآخرة ... أيوه ... أنا حا بدأ حريتي بسهره عربيده منحطة أنتقم بيها من كل حياتي اللي ضاعت هدر حاعمل حاجة.

التليفون لو سمحت.

الشخص: (يلقى له بالتليفون).

الـــزوج: إيدده ؟!

الشحص: تليفون - أنت مش طالب تليفون.

السيزوج: أيره - بس ده سلكه مقطوع.

الشخص: أرفع السماعة واطلب النمرة - أرفع . (يؤدى أصوات غريبة) .

السيزوج: طيب (يرفع السماعة وبطلب النمرة).

الشخص: ها ... فيه حرارة .

السنزوج: لأ.

الشخص: (يعيد أداء الأصوات الغريبة ثم) اطلب النمرة تانى .

السيزوج: حاضر.

الشخص: ها ... جت الحرارة ؟

السسزوج: آه. تخيل.

الشـخص: مش عيب .

الـــزوج: (في دهشة مطلقة) الله. بس ازاي ؟!

الشخص: معايا ما تسألش، أنا أقدر أعمل أي حاجة من غير ما

يكون في أيدى حاجة ، أقدر كمان أعمل الحاجة دي ...

في الوقت اللي يعجبني وبالطريقة اللي تناسبني ...

مفهوم .

الـــزوج: مفهوم ... مفهوم .

الشسخص: طب اطلب النمرة بقى .

السنزوج: حاضر (يدير قرص التليفون ... يصل إلينا صوت جرس السنود الهاتف الأخر ثم في النهاية ترفع السماعة ويصل إلينا صوت أنثوى وناعم وله فحيح خاص ومغرى وهو ... صوت المدام ...) .

ص: المدام: آلو.

السسزوج: آلو.

ص: المدام: أنا المدام.

المستزوج: أهلا.

ص: المدام: أهلا. مين اللي بيتكلم.

السسزوج: أنا ... فكراني ياترى ١١

ص: المدام: طبعا.

السسزوج: طب أنا مين ١١

ص: المدام: مش عارفه.

السسزوج: أمال بتقولى فكرانى أزاى ؟!

ص: المنام: من صوتك.

السسزوج: نعم ١٦ من صوتى .

ص: المدام: آه

السسزوج: مش مهم ، لما تشوفيني ، حاتفتكريني .

ص: المدام: هو كده برضه.

السسزوج: طب أنا عايزك.

ص: المدام: فين ؟!

السيزوج: في البيت.

ص: المدام: يا خبر.

السسزوج: إيه ١٤ عند سيادتك مانع.

ص: المدام: لأطبعا ... قوى قوى . حابات ؟!

السسزوج: ليلتين.

ص: المدام: بس الليلة بخمسين جنيد.

السسزوج: ياه ... خمسين جنيه .

ص: المدام: ها ... قلت إيد ١٤

السسزوج: هادفع لوحتى بمية.

ص: المدام: (وهي تضحك) أنا تحت أمرك ... تحب آجي امتي ؟!

السسزوج: دلوقتي حالا.

ص: المدام: عينيد.

السيزوج: خدى العنوان.

ص: المدام: عرفاه.

الـــزوج: (بدهشة مطلقة) عرفاه منين.

ص: الملام: من صدوتك ... بأى (ثم تضدك مرة أخرى وتغلق السماعة ويختفى صوتها).

السسزوج: (حائراً ومندهشاً في آن واحد) عارفة العنوان من صوتى – أزاى ؟!! الله (ثم يوجه حديثه للشخص) إيه ياعمى – أوعى تكون ناوى على ...

الشخص: ما تخافش.

الـــزوج : ما أخفش أزاى ؟! تليفون بسلك مقطوع ومع ذلك فيه حرارة وواحدة تقولى عارفة العنوان من صوتى ... طب أصدق ده كله أزاى ؟!

الشسخص: ما هو كل ده مقصود.

الـــزوج: مقصود ليه ١١

الشخص: علشان تسأل ... ما هو أنا علشان أثير السؤال جواك لازم بين الوقت والثانى ... أعملك حاجات غريبة . من ضمن اللعب يعنى .

السسزوج: وأخرة ده كله إيه ١٤

الشحض : أنك ترصل للحقيقة .

السنزوج: حقيقة إيه ؟!

الشخص: حقيقة العالم اللي أنت عايش فيد ومحيرك ... حقيقة كل

الناس اللي زيك محتارة برضه وعمال تسأل نفسها . هو الناس اللي إله عند الله الحاجة وألا القسمة والنصيب ؟!

السيزوج: (بفرح صادق) صحيح والنبي.

الشخص: طبعا - بس كمل - كمل.

السسزوج: ماشى (يعود للتمثيل) أهو أنا أقدر أعيش حياتى بحرية مطلقة ولمدة ٤٨ ساعة (لحظة ثم) بس – المائة جنيه دول ميزانية نص شهر – (لحظة أخرى ثم) ولو ... ولو للفقر ... ولو للمصاريف والمسئوليات والأولاد وكل حاجة في الدنيا ... أعيش ٤٨ ساعة وأمون عشر سنين حتى ... ما يه منيش ... ناقص إبه تاني ... آه ... الشغل ... نأخذ الإجازة بالمرة (يذهب إلى التليفون) الله ... ده مفيهش حرارة (ثم للشخص) ياعم .

الشخص: إيد تاني ؟

السيزوج: مفيش حرارة.

الشخص: مش تقولى أنك عايز التليفون ... حط السماعة مكانها .

الـــزوج: أهى.

الشخص: (يؤدى أصوات غريبة ثم) أرفع السماعة.

السسزوج: أهو.

الشيخص: جت الحرارة ؟!

السنوج : آه .. تصور (لحنظة ثم) هي فيشة الحرارة عندك ولا إيه ؟!

الشخص: كمل ... كمل .

السنزوج: آلو ... أيوه ... أنا اللى بيتكلم ... أسمع ... خدلي يومين إجازة ... أيوه مرضى ... إيه ؟! ماليش ... طب عـرضى ... ما عـنديش ... يـووه طـب خـدهملــى بالخـصم ... خدهملى بآي حاجة ... فاهم ... ورد على بسرعة ... سلام (يغلق السماعة) وآدى الشغل كمان وخلصنا منه ... يا سلام ... أهو كده أنا بقيت حر فعلا بأتحكم في كل حاجة ... في البيت ... في الشغل ... في البيت ... في الشغل ... في البيت ... في الشغل ... ملك بيحكم في بيته . ماهو مش معقول الواحد يبقى عبد بره وجوه كمان ...

الشخص: (وهو مشغول بالتفكير) ثانية واحدة .

الـــزوج: (مستمر في منولوجه) لازم الواحد يبقى ملك مرة في حياته ...

الشخص: ثانية واحدة يا بنى آدم .

السيزوج: (لم يسمع الشخص وهو مستمر في الآداء) الحرية حلوه

... طعمه ... الحرية يا ناس أعظم نعمه في الوجود .

الشـخص: بس يا سيدي .

السيزوج: الحرية ... الله ... وأنا حر فعلا ... حر بحق وحقيقى ... أنا دلوقتى ...

الشحص: (صارخا فیه) بس یا عمی ... استنی یا سیدی ... ایه ؟! أنت طرشت .

السسزوج: (أخيرا ينتبه) إيه ؟! فيه إيه ؟!

الشسخص: بقالى ساعة عمال أقولك ... بس ... ثانية واحدة ... ولا أنت هنا .

السسزوج: هو فيد حاجة.

الشحفص: أيره ... مشكلة .

السسزوج: مشكلة إيد ؟!

الشحص: أنت مش المفروض في الصالة بتاعبة شقبك وبين أربع حيطان .

السسزوج: آه.

الشبخص: طب ما احنا كده ... محتاجين حيطان.

الــــزوج: حيطان إيد ؟! هي الوليد جاية وألا مش جاية .

الشسخص: جاية يا أخى ... بس لازم الأول نحل مشكلة الحيطان .

الـــزوج: وهو أنت ما عندكش حيطان.

الشحص: یابنی أنا عندی كل حاجة ... ومفیش حاجة ممكن تعجز معلی ... الناس معایا ... بس لو حطیتك بین أربع حیطان ... الناس مش حا تشوف .

السيزوج: خلاص ... يبقى كفاية حيطه واحده.

الشيخص: (مفكرا) حيطه واحدة ١٤

الـــزوج: آه ... مش تقضى الغرض.

الشخص: والله فكره ... برافس عليك ... أزاى تاهت عن بالى ... والله فكره ... برافس عليك ... أزاى تاهت عن بالى ... كمل ..

السنوج: (يعود للتمثيل) لازم الواحد يبقى ملك مرة ... الحرية حلوه ... طعمه أعظم نعمه فى الوجود ... الله ؟! وأنا حر فعلا ... حر بحق وحقيقى أنا حر ... أنا حر (يتلذذ بترديد الجملة) أنا حر ... أنا حر (يضحك بثقة وهو يكاد يصرخ) أنا حر ... أنا حر ...

(فجأة ... تعزف الموسيقى قوية ومرعبة وتوحى وكأن زلزال على وشك الوقوع ... كل شىء على الحلبة يكاد ويهتز) . (وهو في حالة رعب مطلقة) الله الله ... إيه

السيوج: الحكاية ؟! فيه إيه ؟! « الموسيقى مستمرة - الهزة مستمرة - الهزة مستمرة -- ثم وسط هذا الرعب يدخل من خلال الجدار الوحيد الموجود على الحلبة ثلاثة رجال ضخام الجثة بشكل

ملحوظ ویرتدون البلاطی والطواقی ویسکون بأیدیهم العصیان ... یتوجهون مباشرة نحو « الزوج » الذی یحاول الفرار ولکنهم یلحقون به ویحیطونه من کل جانب ... وسوف تطلق علیهم أسماء مثل « الأول » و « الثانی » و « الثالث » ... وهم آلیین فی الحرکة وکأنهم لیسوا بنی أدمین !!) .

(وهو يمسك بالزوج ويلقسى به إلى الثانى) إيه أنا حر الأول : دى ؟! ها .

هو إحنا في غابة ؟! (يلقيه للثالث) .

الشانى: (وهو يرفعه من قدميه) ولا هى فوضه!!

الشالث: (بخوف مطلق) أنتم مين ١٤

السنزوج: ما تسألش.

الأول: أمال أعمل إيد ؟!

السيزوج: تجاوب.

الثساني: على إيد ١٤

السيزوج: على الأسئلة.

الشالث: وإيد هية الأسئلة ؟

السيزوج: مش أنت اللي تسأل.

الأول : أمال مين يس .

الــــزوج: باقولك إيد ... بلاش مأوحد.

الثــانى: (وهو يستجير بالشخص) الله ... إيه يا عمى ده .

السيزوج: شد ... كمل ... كمل ...

الشخص: أكمل إيه ١٤ فين الوليه ٢

الــــزوج: يووه.

الشبخص: طيب مين دو

الــــزوج: (وهو يقاطعه ويكاد يضربه) يعنى ما جاوبتش.

الشالث: أجارب على إيه يا ناس.

السيزوج: السؤال.

الأول : تاني ... طب إيد هو السؤال ؟!

الــــزوج: إيد أنا حردى ١٤ (وهو يضربه) .

الأول: آي.

السيزوج: وإيد هيد الحرية في نظرك.

الشسائي: الحرية هي

الـــزوج: (يقاطعه ثم يضربه) يا أخى قول.

الثــالث: آي ... ما أنا كنت حا جاوب ... بس ...

السسزوج: بس إيديا أخى ... حرام عليك .

الشالث : حرام على أنا ... وألا حرام عليكم أنتم .

السيزوج: أحنا والا أنت.

الأول: أنا إيد ؟!

الـــزوج: أنت حر ... قوام نسيت .

الشانى: أيوه ... بس أزاى ؟!

الــــزوج: ما هو ده اللي أحنا عايزين نعرفه منك .

الشاك : (يستجير مره أخرى بالشخص) ياعمى مين دول .

السسزوج: بأقولك إيه ؟! خليك معايا.

الأول: معاك .

الشساني: إيه معنى الحرية في نظرك.

الـــزوج: الحرية هي أن أنا أبقى حر فعلا.

الشانى: أنك تعمل أى حاجه مثلا.

السيزوج: مظبوط.

الثــالث: غلط.

السنزوج: طيب وإيه هو الصح.

الشانى: أنك تفهم معنى الحرية.

الشالث: الحرية مش أنك تبقى حر.

السسزوج: نعم ؟! أمال أبقى إيد ؟!

الأول: تبقى حاسس بأنك حر.

السسزوج: وهي الحرية ... أحساس وألا فعل ... ؟!

التــانى: هو أحنا كل ما نسألك ... ترد علينا بسؤال.

السسزوج: طيب وأنا أعمل إيه بس.

الشالث: تقولنا يا أخى ... الحرية إحساس والا فعل .

السيزوج: الحرية فعل يا ناس ... فعل .

الأول: يعنى إيه فعل ؟!

السسزوج: يعنى أعمل أى حاجة من غير ما حد يقولى بتعملها ليه ... في الوقت اللي يناسبني ... وفي المكان اللي يعصني ... وفي المكان اللي يعصني ...

الثــانى: شفتم ١١

الشالث: أهو ده الغلط (ثم يهجمون عليه ويضربونه) ـ

الـــزوج: آی ... آی (ینجح فی الهروب منهم ویلجاً إلی الشخص بینما هم یقفون فی مکانهم ولا بدرون ماذا یفعلون تجاهه) إیه ده یا عمی نورنی - إیه الحکایة - قولی .

الشخص: مش وقته ... كمل ... كمل .

السيروج: طب مش أفهم الأول.

الشبخص: أنا مش عايزك تفهم.

السسزوج: أمال عايزني إيد ؟!

الشخص: عايزك تسأل.

السيزوج: ما أنا عمال اسأل من الصبح أهو.

الشخص: كمل بس يا أخى ... كمل .

السيزوج: طب هي الوليد جاية والا مش جاية.

الشـخص: يروه.

الـــزوج: طب خليهم يخفوا الضرب على شويه.

الشخص: لأه ... وأنت مفيش منك فايدة (ثم للثلاثة) وأنتم واقفين تتفرجوا ... ما تخشوا عليه .

(یهجمون علیه ویحملونه ویعودون به إلی الحلبة مرة أخری).

السيزوج: ياناس ... ياعالم ... والله العظيم هو ده معنى الحرية .

الأول: طب والنظام ... بلاش منه .

الشانى: والقانون ... تلغيه .

الشالث : والعادات والتقاليد ... نركنهم على الرف .

السنزوج: لأ ... أنتم فهمتونى غلط ... ما هم دول اللى حا يحمولى حريتى .

الأول : إزاى ١٤

السسزوج: ما أنا حابقي حر من خلال النظام نفسه.

الثــانى: يعنى إيه ؟!

السسزوج: يعنى النظام ...

الشالث: (يضيق وتحذير) ها ... ماله .

السسزوج: لازم يديني الأمان ... لازم يحميني يعنى كمواطن .

الأول : برضد مش فاهم الحتد دى .

السسزوج: يعنى إذا ما كانش النظام ها يحمينى ...

الأول : ما يبقاش نظام ... مش كده (يهجمون عليه ويأخذون في ضربه) .

السيزوج: أي ... أي ... ياعالم ... أنا مش ضد النظام .

الشانى: أمال ضد إيد ؟!

السيزوج: مش ضد حاجة ... الله.

الشالث : طب والقانون ؟

السسزوج: مالد.

الأول: أتعمل ليد ؟!

الـــزوج: علشان يدافع عن حريتي.

النسانى: إزاى ؟!

السسزوج: هو المتهم في أي قضية ... بيجيب محامي ليد ؟!

النسالث: علشان يدافع عنه.

الأول: ويطلعه براءة.

الشسائي: وما يخشش السجن.

السسزوج: طبعا. لأن السجن قيد.

الأول: مظبوط.

السنوج: والقيد ضد الحرية.

الثــائى: سليم.

الــــزوج: أهو هو ده المعنى الحقيقي للقانون.

الأول : طب العادات والتقاليد .

السسزوج: (في ثقة لاحد لها) تتلغى.

الجسميع: (وهم يصرخون في وجهه) أيد ١٤

السسزوج: أيه يا خونا ... فسيه أيه ١٤ أيوه ... تتلغى ... لازم تتلغى لأنها قيد برضة .

الأول: بس دى موروثة.

السروج: الظروف بتختلف.

الشانى: ظروف إيه ؟!

السسزوج: ظروف المجتمع.

الشالث: يعنى إيد ؟!

السسزوج: يعنى مجتمع النهاردة غير مجتمع أمبارح.

الأول: تقصد إيد ... وضح .

السنوج: عادتنا بتاعة امبارح مش لازم تبقى عادتنا النهاردة ... لأ ... لازم يبقى لنا عادات جديدة ... عادات تفرضها ظروفنا المتغيرة .

الشانى: أنت شخص متمرد.

الـــزوج : ليه ؟!

العسالت: لأنك بترفض الماضى.

السسزوج: وازاى الماضى يتحكم في الحاضر ... طب ويبقى إيه

معنى التطور ١٤

الأول : طب والتراث ؟

السنوج: لازم نعيد قراءته.

الشاني: ازاي ١٤

الــــزوج: بعين النقد ... مش بعين النقل.

العسالث: أنت أكيد مجنون.

الــــزوج: مجنون اللي يعيش بعقلية أمبارح.

الأول: مدمر.

الشسساني : مخرب .

التسالث : ماعندوش أصل .

السنزوج: أنا عندى حياة.

الأول: يعنى إيد ؟!

الــــزوج: يعنى لازم أعيشها.

الثــانى: طب ما تعيشها.

السروج: إزاى والماضى معشش حوالينا فى كل مكان. العقليات هى هى هى والناس هم هم ... فى السياسة ... فى الصحافة ... فى الخكومة ... وإذا حتى

ما الوشوش اتغيرت ... العقول عمرها ما تتغير داعا الماضى هو الصح ... هو النسمسوذج الذى يجسب أن يحتذى ...

الشاك : (وقد بدأ يفهم مغزى كلامه) أى ماضى تقصد .

السيزوج: النظم والقوانين والعادات والتقاليد.

الأول: أنت بتقول أيد ١٤

السنوج: أيوه ... هى دى الحقيقة ... النظم المتلخبطة ... اللى مرة تبقى عين وشمال مرة تبقى عين ... ومرة تبقى عين وشمال مع بعض ... وطبعا الناس يا عينى بتتلخبط وراها ... ويحصلها عدم توازن ... ويبقى عندها شيزوفرنيا ... وبالرغم من ده كله ... لسه برضه بنطالبهم بالمحافظة على القيم والأخلاق والضمير والشرف ... طب أزاى ياناس ... إزاى ؟!

الشسائى: (وهو يكاد يضربه) اسكت يا أخى ... اسكت .

السسزوج: (مستمرا) والقوانين كمان ... المتهرثة ... المترقعة ... كل ما يحصل حاجة مش مظبوطة ... يطلعوا علينا بقانون جديد ... وهلم جرا .

الشالث: اسكت يابني آدم ... اسكت ... اكتم بقك خالص .

السروج: (وقد وصل إلى القمة) وفوق كل ده بقى - العادات

والتقاليد ... ده كلام ياناس ... ده كلام .

الأول: أنتم واقفين ليه ؟! أهجموا عليه ... أضربوه ... موتوه حتى . (يهجمون عليه بالفعل ثم يأخذون في ضربة بعنف) .

الــــزوج: أى ... أى « فجأة يرن جرس التليفون » . يتوقفون عن ضربة في خوف ثم .

الأول: (للثاني) إيه ده ١٤

الشسانى: ده جرس التليفون.

الشالث: طب والعمل.

الأول: (للزوج) التليفون ده ليك .

الـــزوج: أعتقد.

الأول: أنت كنت مستنى حد .

السسزوج: أيوه (الجرس مازال يرن) .

الأول: مستنى مين ١٦

الـــزوج: مرة!!

الأول : إخص عليك ... وكمان قليل الأدب (لحظة تفكير ثم) طبرد على التليفون .

السسزوج: نعم ؟! (الجرس مازال يرن) .

الأول : رد ... على ... التليفون .

الـــزوج: حاضر (يرفع السماعة ويرد) آلو ... أيوه ... أيه ؟! مين ؟! ... آه طيب . ثانية واحدة (ثم للثلاثة) تليفون علشانكم .

الجسميع: (في رعب مطلق) أيه ؟!

الــــزوج: أيه ياخرنا ... تليفون علشانكم .

الأول: أزاى ١٦

السسزوج: هي كده ... واحد عمال يكلمني أهو وبيقولي - أديني المسروج المحاعة الى عندك .

الثــانى: مش محن.

الثـالث: مش معقول.

الــــزوج: (في قوة) ها ... هاتردوا وألا أقوله محدش هنا .

الأول: لأ ... هات السماعة (يتحدث في السماعة) آلوه ... أيوه أنا ... مين ؟!! أهلا يا أفندم ... أيه ؟! لأخلاص ... هو على وشك ... نعم !! طيب طيب ... حالا يا أفندم ... سلام (يغلق السماعة).

النسانى: إيد الحكاية ؟!

الأول : ده سعادة البيه ومبسوط جدا .

الشانى: والله.

الأول: وبيقول أن إحنا ماشين كويس.

الثسالث: عظيم.

الأول: بس عايزنا نكمل معاه .

الثاث : خلاص ... يبقى نكمل .

الأول: بينا عليه.

السيزوج: (وهو يحاول الهرب) يانهار أحوس ... هو أحنا لسه هانكمل ... (ثم للشخص) أيه يا عم - أنت سايبنى كده ونسينى خالص - مش تعمل حاجة - تقول حاجة حتى .

الشخص: ها أقول.

السسزوج: أمتى طيب (يهجمون عليه ويمسكون به) لكن أظن حكاية الولية دى بجبه ... مش كده . (يحاول الهروب مرة أخرى) .

الأول: تعالى هنا .

الشائى: ها تروح مننا فين ؟!

الشسالث : لازم نكمل حوارنا .

السيزوج: وهي دي طريقة حواريا خونا.

الأول : ماهى دى الطريقة الحديثة .

الـــزوج: والله ... طب أنتم بقى عايزين تعرفوا إيه تانى .

الشالث: إيه معنى الثورات في نظرك.

الـــزوج: كريسه.

الأول: كلها كويسه.

السنوج: طبعا.

الثـانى: طب ليه ١١

الـــزوج: لأنها بتغير مجتمعاتها.

الثــالث: للأحسن ياترى ؟!

الـــزوج: طبعا ... ولا يبقى أيه معنى الثورات ... الثورات يا خونا بتبقى عاملة زى نسمة الهوا في عز الحر.

الأول : ياسلام - الثورات زى النسمة ؟!

الثساني: إيه الشعرده كله.

الثالث: طبعا ياعم ... مش بيكتب مسرح.

الـــزوج: (مندهشا) ياخبر ... طب وعرفتم إزاى ؟!

الأول : ما تسألش (وهو يضربة) .

السسزوج: والله بقى أنا أحترت ... مرة تقولو لى اسأل ... ومرة ما تسألش (ثم للشخص فجأة) هى فين ياعم المره - جاية وألا مش جاية ؟!!

الشسخص: (وهو يكاد يضحك) يا بنى كمل وخليك في اللي أنت فيه .

السسزوج: يعنى ده العهد اللي بينا برضة.

الأول : بأقولك أيد ؟! خليك معانا هنا .

الـــزوج: حاضر ... بس أعرف ... عايزين منى أيه ؟!

الشانى: عايزينك تعرف معنى الحرية.

الــــزوج: ماشى ... أيد هو بقى ؟!

الشالث: أنك تبقى حرجوه النظام.

الأول : أنه يبقى فيه رقيب عليك .

الشان علشان طبعا ما تلبخش.

السيزوج: هو ده معنى الحرية ؟!

الجسميع: (بقوة عنفية ومخيفة) طبعا ـ

السيزوج: طب وبيتى ماله ومال الكلام ده كله.

الأول : لأن بيتك مجتمع .

الشسسائى : ولازم له نظام .

الشالث : ونظامة لازم يبقى متفق مع النظام اللي بره .

الأول : لأنه ما ينفعش يبقى فيه نظام جوه .

الثـــانى: ونظام بره.

الشالث: ولو كل واحد حر في بيته.

الأول : هاتبقى كل البيوت أحرار .

الشانى: وهنا بقى تكمن الثورة .

الثـالث: الفوضى يعنى .

الأول : ها ... فهمت .

الـــزوج: طبعا ... دانا فهمت جدا ... فهمت خالص.

الأول : أحنا الرقباء يابني .

السيزوج: مظبوط.

الثسالث: المحافظين على حياتك.

الـــزوج: أكيد.

الأول : أهو دلوقتي بقي - تقدر تقول أنا حر وأنت مرتاح .

السسزوج: لأة ... أبقى حمار لو قلتها بعد النهاردة .

الشانى: ما تخافش.

الـــزوج: ما أخفش مين ياعم.

الشالث: والله ... قول أنا حر.

الــــزوج: هو أنا بايع روحى.

الأول: (بتهديد خفي) يا بني قول أنا حر.

السسزوج: طب ما تقول أنت.

الأول : يوره ... بأقولك قول .

الــــزوج : (يحاول ينطق ولكن) مش قادر .

الشاني: حاول.

السسزوج: (يحساول مسرة أخسري ولكن دون جسدوي) مش عسايزة تطلع .

الجسمسيع: (في قوة وعنف) قول .

السسزوج: (بضعف وبالتال) أنا حر .

الأول: يانهار أحوس.

الشسانى: قالها .

الشالث: الكلب الجبان -

الأول: أهجموا عليه ... (يهجمون عليه ثم يضربونه بعنف غير عادى وهو يصرخ صراخ حاد ثم يضحكون بصوت مسموع وقوى جدا يظل يتصاعد ويتصاعد حتى يطغى على صراخة ... تخفت الأضاءة تدريجيا إلى أن تصبح بقعة من الضوء عليهم جميعا ثم في لحظة تنسحب هذه البقعة أيضاً لحظة تمر أقل من الثانية ثم تعود الأضاءة مرة أخرى فنجد « الزوج » مازال على الأرض وهو يئن بينما يختفى الثلاثة رجال وكذلك الحيطة المعلقة) .

السروج: آه ... آه یانی (ثم وهو ینتبه) الله ... هم راحوا فین ؟! خرجوا ... مشیوا ... طاروا ... أوف ... یاساتر ... (ثم للشخص) إیه یاعم اللی بیحصل ده ... عمال تفاجئنی کده بحاجات غریبة ... أنا مش فاهم حاجة .

الشخص: كل ده ... وبرضه لسه مش فاهم .

السيزوج: طبعا ... لأن اللي حصل ده ما كانش موجود.

الشخص: ما كانش موجود فين ؟!

الـــزوج: في النص.

الشـخص: مش محكن - لازم يكون موجود.

السنوج : إزاى ١٤

الشخص: بطريقة أو بأخرى.

السيزوج: ياعم هو أنا غبى ... أنا قريته أكثر من مرة.

الشخص: يبقى أكبد ما فهمترش.

السيزوج: لو ما فهمتوش ... ما اعملوش.

الشخص: خلاص ... تبقى فهمته بس فسرته غلط.

السيزوج: معقولة.

الشخص: مش معقول ليه ؟! أنتم طول عمركم كده.

السسزوج: إزاى يعنى .

الشخص: ياتنقلوا النظرية وتطبيقوها غلط ... ياتقروا النص وتفسروه غلط .

السروج : طب والسبب أيد تفتكر .

الشخص: أن كل المسائل دى خاضعة للمصلحة ... سواء كانت فردية أو اجتماعية وعلشان كده ... عمركم ما ها توصلوا للحاجة ... أنتم ناس طول عمركم تحبوا المهرجانات ... توتوا في الموالد ... علشان محدش يقدر يفهم حاجة ...

دانا ... خلاص ... طهقت ... زهقت - شوف - مش أنا صاحب اللعبة - لكن قرفان منكم ... تخيل (جرس التليفون يرن) كمل يا بنى ... كمل خلينا نخلص .

السسزوج: لأ ... أكمل أيد ؟! أنا عايز أفهم الحتة الأخيرة دى (الجرس يرن) .

الشسخص: بعدين ... بعدين ... كمل بس .

السسزوج: (على الرغم منه) حاضر ... (يرفع السماعة ثم)

آلو ... أيوه أنا ... إيه ؟! الإجازة اترفضت ... يعنى

أيه ... لازم أروح الشغل ... طب ما أنا قلت لك خد
هملى بالخصم ... مش عايزين ... ليه يا أخى ... هى
عبودية ... ما كفاية بقى ... أنا حقى أعيش اليومين
دول بحرية ... أيه ؟! رئيس الهيئة مش راضى عنى ...
يعنى لقمة عيش وراحتى متحددين برضى رئيس الهيئة
أو عدم رضاه ... معقول يا خونا ... هى لسه الأمور دى
مستمرة - كده - طب أيه رأيك بقى أنا مش رايح ...
أترفد ما أترفدش - ما يهمنيش .

السسزوج : هى ... بس (ثم) يغلق السساعة بعنف) أوف - ياساتر ... كل حاجة يتحلّق على ... بره وجوه ... كل حاجة يتحلّق على ... بره وجوه ... كل حاجة بتقولى مافيش فايدة ... ماتتعبش نفسك ...

الفقر والزوجة والشغل كمان ... حتى إحساسك بالحرية ... مجرد إحساس ... مش عارف استمتع بيد ... طب ليد ؟! واشمعنى أنا بالذات ؟!!

الشخص: لألألأ.

الـــزوج: لأ إيد ؟! أنت ما سمعتش التليفون.

الشخص: أيوه ... بس مش لدرجة أنها توصل الشمعنى أنا .

الـــزوج: مش دى الحقيقة.

الشخص: حقيقة أيه ؟! مضخم نفسك قوى كده ليه ؟! لو فهمت سر اللعبة كلها ... ها تكتشف أن كل اللي بيحصل ده شيء عادى جدا .

الــــزوج: شيء عادي جدا ... إذا كنت ترفد أهو.

الشـخص: مش مهم ... كمل بس .

السسزوج: طب أنت مش محكن تكلمنا رئيس الهيئة يرضى عننا ويفوت حكاية الإجازة دى .

الشخص: طب وأنا مالي أنا ... دى مسألة شخصية وخاصة بيك .

السسزوج: بس أنت الكبير برضة وصاحب اللعبة كلها.

الشــخص: أيره ... بس مش لدرجة أنى اتدخل في التفاهات دى .

الـــزوج: ياسلام ... بقى يتخرب بيتى ... واحتمال بكره أبات أنا والولاد على الرصيف ... وتقولى تفاهات ... أمال فين

الرحمة .

الشخص: ما أنا قلت قبل كده ... لو فهمت سر اللعبة كويس ... ها تكتشف أن أنا يا عزيزي ... ماليش دعوة .

السسروج: أمال مين بس اللي ليه دعوة ؟!!

الشـخص : حضرتك .

السيزوج: (في دهشة مطلقة) أنا.

الشـخص: أيره ... كمل ... كمل .

السنزوج: (على الرغم منه) حاضر ... حاكمل ... (لحظة صمت تمر ثم يتذكر) الله ... لكن الولية ما جاتش ليه لحد دلوقت .

الشخص: أه صحيح ... وأنا نسيتها خالص.

السيزوج: الله ... طب والعمل ؟

الشخص: ما تتصل بيها .

السسزوج: والله فكرة ... (يذهب إلى التليفون ثم يدير القرص) ألو. (يأتى إلينا من الهاتف الأخر صوت رجل واضع جدا).

صوت الرجل: ألو.

السسزوج: مين حضرتك.

صوت الرجل: أنا المدام.

الـــزوج: (مندهشا) نعم ... إيه ... المدام ؟

صوت الرجل: أيوه ... فيه حاجة .

الـــزوج: لأ ... بس أصل ... صوت حضرتك .

صوت الرجل: ماله.

الـــزوج: تخين شويه.

صوت الرجل: ما أنا أصلى باحشش كتير.

الــــزوج: والله ... طب ... هي النمرة غلط وألا حاجة .

صوت الرجل: لأ يا حبيبي ... النمرة صع ... وصع جدا .

الـــزوج: أه ... طب ... كان فيه واحدة ست .

صوت الرجل: أيوه ... عندها اتناشر بنت ... مش كده .

السنوج: الله ... جرى أيه يابا .

صوت الرجل: وبعدين معاك ... ماقلت لك ... أنا المدام.

الـــزوج: أصلى أنا كنت أتصلت قبل كده ... وأتكلمت مع ... المدام .

صوت الرجل: أه ... قصدك المدام الأولانية .

السيزوج: أمال حضرتك مين ؟

صوت الرجل: لأ ... أنا المدام الثانية .

الـــزوج: طب ممكن أكلم المدام الأولانية.

صوت الرجل: لأ ... دى لسه خارجة ياعنيه .

السسزوج : طب ما تعرفيش راحت فين ؟

صوت الرجل: راحت لك طبعا.

السسزوج: راحت لى أنا.

صوت الرجل: أيوه ... ما أنا أصلى عرفتك .

الـــزوج: عرفتني منين ؟

صوت الرجل: من صوتك.

الـــزوج: برضه ... معلش ... آسف للأزعاج.

صوت الرجل: لأه ... مفيش حاجة ... هي أتاخرت عليك .

الــــزوج : شويه .

صوت الرجل: تحب أجيلك ؟

الــــزوج: لأ ... في عرضك ... أشكرك جدا (فجأة يسمع امرأة تقف خارج الحلبة وهي تنادي) .

المسسرأة: يا أخواننا ... ياناس ياللي هنا ... مالكم قعدين عربانين كده ... لا ببان ولا حيطان ولا حاجة خالص . حد يرد علينا .

السروج: (فى التليفون) طب باى باى بقى ... لأنها وصلت أهى (ثم يغلق السماعة ويتحرك تجاه المرأة التى تقف خارج الحلبة بين المشاهدين ومازالت تخاطب الزوج) أهلا يا مدام .

المسسرأة: أهلا يا أخريا (وهى امرأة صارخة الجمال وترتدى ملابس تبرز بعض مفاتنها وطريقتها فى الرد تدل على انها امرأة قوية الشخصية - عنيده ولكن بداخلها بالطبع ضعف المرأة خصوصا إذا ما تذكرت مشوارها الطويل فى الحياة) أنت اللى أتصلت بى !!

الـــزوج: اتفضلى ... اتفضلى .

المسلم : اتفضل فين ... وأنا شايفاك من هنا وأنت عمال تتكلم في التليفون .

الـــزوج: طب وأيه يعنى ؟

المسلم : إيه يعنى أزاى ... لا ... أنا واحدة باختشى .

الـــزوج: يعنى أيد.

المسلم : يعنى ما أحبش حد يبص على .

السنزوج: ماهو محدش حاييص عليكي..

المسلم : إزاى ... دانت مفيش عندك لا حيطة ولا باب ... ولا شباك معقول الكلام ده ... حد يقعد في الطراوه كده .

الـــزوج : لا لا ... ولا يكون عندك أي فكره .

المسلام : يعنى إيه .

السسزوج: ثواني وتكون عندك الحاجات دى .

المستدام: لما نشوف.

السسزوج: عينيه (ثم للشخص) اديها ياعم الباب (يظهر الباب ... العمومي للشقة من مكان ما) ها ... أدى الباب ... مبسوطة يا ستى .

المسلم: طب والباقى .

السيزوج: بنفس الطريقة ... ما تقلقيش ... أتفيضلى ... أتفيضلى ... أتفضلى .

الــــزوج: قری قری ... یعنی جیت فی جمل ... أدیها یا بنی مزیكا و تنزل موسیقی ناعمه وحزینه) .

المسلم: (لعامل الموسيقى) وحياة أمك .

ع: الموسيقى: نعم يا فندم.

المسلم : أيه ياد المزيكا النايمة دى ... عايز تنيم الناس .

ع: الموسيقى: أمال حضرتك عايزة أيد ؟!

المسسلام: حتة مزيكا وتكون مشخلعه شوية ... ما تبصلي كويس ياد ... أنت شايف إيه ؟!

ع: الموسيقي: (وهو يتغزل فيها) شايف حتة دين نتفة قمر .

المسلم : طب ماتديني المزيكا بتاعة القمر .

ع: الموسيقى: عينيه · ثم للشخص) ها ... أديها (ينتظر أن يرد الشخص ولكنه لا يفعل) ... ها ... أديها (ينتظر الرد ولكن دون جدوى) .

الـــزوج: (للشخص لا ... بأقولك أيه ؟! ماتبوظليت الطبخة ... (وهو يغمز له) عديها المرة دى .

الشخص: (بعد لحظة تفكير ثم) ماشى ... أديها مزيكا من اللى بتقول عليها دى (تنزل موسيقى مثيرة وراقصة وتوحى بشخصية المدام) .

السيزوج: ها ... حلوه المزيكا دى .

المسلم: قسرى ... تجنن (تتسفسحس المكان وفى نفس اللحظة يخاطب الشخص الزوج جانبيا).

الشبخص: ها ... أظن مريحك على الآخر.

الــــزوج: قوى .

الشخص: وأيه رأيك في السري

السسزوج: لأه ... حتد تمام .

الشـخص: هيص بقي يا عم.

السسزوج: من نفسى ... شويه حرية بقى ... على الأقل أعوض السيزوج: من نفسى أنضريته .

المسسلام: (وهي تلاحظ الزوج يتحدث مع الشخص) الله ... إيه

يا عمى .

الـــزوج : إيد ١٤

المسلم: أنت معاك حد هنا .

السنوج: لأ.

المسدام: أمال بتكلم مين ؟!

السسزوج: لأه ... دانا ... دانا ...

المسلم: أوعى تكون بتكلم روحك.

السيزوج: لا لا ... أنا أصلى بصراحة ... اتلاوحت.

المسلم: اتلاوحت من أيه ؟!

الــــزوج: من جمالك طبعا ... ياه ... وأنت حلوة قوى .

المسلم: (وهي سعيدة بالكلام) اتأخرت عليك .

السيزوج: جدا.

المسلم: المواصلات.

السروج: ولا يهمك ... المهم أنك جيتى .

المسلام: كنت خايف ما أجيش.

السسزوج: يعنى .

المسسدام : ليد ؟!

السنزوج: أصل حكاية العنوان دى ...

المسلم: مالها ١٢

السيزوج: محيراني شويه.

المسلم: محيراك في إيد ؟!

الـــزوج: ما كنتش مصدق أنك حاتيجي ـ

المسلم: بس أنا جيت أهو.

السيزوج: ما هو ده الغريب.

المسلم: الغريب أنى جيت .

السسزوج: مش قصدى.

المسلم : (بضيق خفى) أمال قصدك إيه ... ممكن أمشى إذا حبيت (تحاول التحرك) .

الـــزوج: (وهو يمسك بها) لأ ... ده كلام ... وأنا مصدقت .

المسدام: باحسب.

السسزوج: بس ياترى افتكرتيني لما شوفتيني .

المسلم: طبعا لأ.

السسزوج: أمال ليد قلت أنك فكراني .

المسلام: المسألة صعب بالنسبة لى .

السسزوج: صعب في إيد ؟!

المسلم : لأنى دايا باتعامل مع رجالة .

السيزوج: ياه ... عمرك ما تعملتي مع ستات ؟!

المسلم: في الحالات الشاذة فقط.

السسزوج: هيء ... شغلانة عجيبة .

المسلم: تفتكر كده.

السسزوج: متهيألي يعنى ...

المسلم: (وهي تقاطعه فجأة) طب أيدك .

الـــزوج: (مندهشا بالطبع) أيدى ؟! طب وعايزة أيدى ليه ؟!

المسسلام: نعم ... ما تستعبطش يا حبيبى ... الدفع يا أستاذ ... مقدم .

الـــزوج : أيره ... بس ...

المسدام: إذا ما كانش عجبك ... بلاش.

الـــزوج: يا ستى لأ ... أنا قصدى يعنى ... ما احنا مع بعض .

المسسدام: ولو ... هي دي طريقتي .

الـــزوج: بس مش شايفة أنها طريقة بايخة شوية.

المسلم: إذا ما كانش عاجبك ... بلاش ـ

الـــزوج: يوره ... ياستى عـجـينى ... عـاجـبنى ... (ثـم للشخص) إيه يا عمى الحكاية .

الشخص: حكاية إيه بس ا

السسزوج: ما انتش شايف ... الولية دى أنا خايف منها .

الشخص: أصبر ياعبيط ... التقل جي ورا .

السسزوج: (بفرح مطلق) والله العظيم ... يعنى ...

الشخص: دى حاتعمل بلاوى ... بس كمل ... كمل .

السيزوج: عينيد ... أكمل قوى .

المسسدام: ينهار أحوس ... أنت حاترجع تكلم روحك تانى .

الــــزوج: لا ياستى - بس أنا أصلى عندى عادة ... أسرح شويه .

المسلم: بس أنا سامعاك بتكلم نفسك .

الــــزوج: ما أنا أصلى بأسرح بصوت عالى ... ما تخديش في بالك .

المـــدام: طب أيدك.

السيزوج: أه ... أنت لسه فاكره.

المسلم : وهي دي حاجة تتنسي برضه . هات .

الــــزوج: (يخرج النقود من جيبة أو درج المكتب) اتفضلى .

المسدام: تشكر ... كده بقى أنا تحت أمرك.

السسزوج: (وهو يشعر بحيوية مفاجئة) ها ... تشربي حاجة ؟!

المسلم: هو أحنا لسه حانشرب!!

السسزوج: أمال أية.

المسلم: عايزين نخلص.

الــــزوج: أفندم ... عايزين نخلص ...

المسمعام: الله ... أنت زعلت .

السسزوج: طبعا ... أنت مستسريعة على إيد ١٢ ولاحظى أنك

حاتباتي .

المسسدام: ما أنا عارفه.

السسزوج: طيب بقى . أمال مالك .

المسلم: خلاص ... أنت حر ... نشرب .

السيزوج: لأ ... بلاش.

المسلم: أحسن ... بالله .

السسزوج: (في دهشة مطلقة) بالله ... بالله إيه ؟! جرى إيه ياست أنت ؟!!

المسلام: ما أنت قلت مش حانشرب.

الــــزوج: أيوه ... بس على الأقل نقعد مع بعض شرية .

المسسدام: أحنا لسه حانقعد.

السسزوج: الله ... هي إيد الحكاية ١٤

المسلام: حكاية إيه ؟!

الـــزوج: حاسس أن المسألة عندك آليه ... مفيش مشاعر ... مفيس أحاسيس .

المسلام: أصل أنا غيرك.

السسزوج: غيرى في إيد؟!

المسلم : أنت حاتستمتع ... لكن أنا ...

السسزوج: ما أنت برضه ها تستمتعي زي .

المسلم: مين اللي قالك ؟!

الــــزوج: لأن كل واحد ... المفروض يحس بالتانى .

المسلم: تانى مين يا حبيبى ... تانى مين ؟!

السيزوج: اللي معاه يعنى .

المسلم: آه ... بس أنت دفعت ... وأنا قبضت .

السيزوج: لألأ ... أنت كده فاهمة المسألة غلط.

المسلم : بالعكس ... دانا فهماها صح قوى .

السيزوج: أزاى ١١

المسلم : لأن اللي بأعمله معاك ... بأعمله مع غيرك .

السيزوج: يس ... المفروض ... أنك تشاركيني .

المسلم : ما أنا طبعا باشاركك ... بس كده ... كده .

الــــزوج: (وقد بدأ يضيق) يعنى إيه كده وكده .

المسسلام: يعنى فى اللحظة اللى أنت فاهم أنك بتستمتع ... أنا بأبقى فى عالم الكام ؟!

السنوج: كام إيد ؟!

المسلم : كام ها تدفع .

السيزوج: أنت غريبة جدا.

المسلم: وأنت أناني جدا .

الـــزوج: أنا عايز أعيش.

المسسدام: وأنا برضه عايزة.

الـــزوج: نبقى متفقين.

المسلم: متفقين على إيه ؟!

السسزوج: على فكرة الاستمتاع سويا.

المسلم : تبقى غلطان .

الـــزوج: غلطان لأنى عايز أعيش.

المسلمام: غلطان لأنك عايز تفرض استمتاعك على الآخرين.

السسزوج: لأه ... أنت جسى تحطميسنى (ثم للشسخص) باقسولك إيه بقى .

الشـخص: إيد ؟!

السسزوج: (بتحدى مطلق) ممكن حضرتك تيجي مكاني .

الشخص: (وقد فوجىء بالطبع) إيد ؟! مكانك ... طب ليد ؟!

السروج: یعنی مش عارف أهو ده التقل اللی جی ورا ... هو أنا ناقص . دانا فاهم أنی خلاص ... بقیت حر فعلا ... وهانسی القرف والنیلة لمدة ٤٨ ساعة ... تقوم تبعت لی واحدة بالشكل ده .

الشخص: أمال أنت كنت متصور إيد ؟!

السسزوج: كنت مسسور واحدة بقى ... هاترقىصلى وتغنى وتدلعنى ... واحدة تقولى بحبك ... وباموت فيك ... الكلام ده اللى محرومين منه اللى لما تيبجى تقوله مراتك ... تقوله وكأنها بتطبخ ... أنا بحبك / أعملك سبانخ ... بالظبط كده ... كنت متصور واحدة تيجى تسمع كلامى على طول الخط ... قومى ... أضحك ... أرقص ... أغنى ... وهكذا ... إنما دى .

الشــخص: مالها دى بس ـ

السسزوج: دی جی تعفرتنی ... معقولة یاناس ... طب لیه ؟! هو أنا إیه ؟! مش بنی أدم ... مفیش شویة رحمة - شویة إنسانیة ... لأ كده بقی ... لأ لأ لاً .

الشـــخص: (وقد بدأ يضيق هو أيضا) معناه ايه الكلام ده.

الــــزوج: معناه أنى مش مكمل.

الشسخص: يعنى إيد مش مكمل.

الـــــزوج: يعنى مش لاعب يا أخى ... عايزا أرتاح شويه.

الشـــخص: طيب وعايزني يعنى أعملك أية ؟!

الــــزوج: تيجى أنت بقى تأخذ مكانى ... وآخد أنا مكانك .

الشعص: أنت بتهددني ... فاكرني خايف.

السيزوج: لو مش خايف ... ما تيجي مكاني طيب.

الشسخص: (فى تحدي أيضا) آجى مكانك ... هى شغلاند ... ده كات كل شسويه حسا يقسولى ... خد مكانى ... وهات

مكانك ... أنت بتحرجنى وآلا بتزنقنى ... أدينى بقيت مكانك ... مبسوط . (يتبادلان الأماكن بالفعل) .

الــــزوج: قرى ... أيوه كده ... ياسلام ... القعده هنا تجنن .

الشحص : طب ماتيا لله بقى .

السسزوج: يالله ... يالله إيه ؟!

الشبخص: نكمل.

الــــزوج: لأة ... أحنا ها نريح ربع ساعة نشرب فنجان قهرة ... وبعد كده نبقى نكمل .

الشـــخص: ياعمى عايزين نخلص.

السسزوج: لأ ... بأقولك إيه ؟! طالما أنا هنا مكانك ... سيبنى بقى اشتغل بمزاجى ... أمال أنا جيت مكانك ليه ؟! علشان برضه أنت اللى تأمر .

الشبخص: (على الرغم منه) ماشى.

السسزوج: يبقى خلاص ... قلت هانريح ... يعنى هانريح ... الستراحة ويختفى كل استراحة مزيكا (تعزف موسيقى الاستراحة ويختفى كل المثلين في حجراتهم) نهاية الجزء الأول .

_ الجزء الثاني

« يعود الزوج إلى مكاند وكنذلك كل من « الشخص » « و المدام » فوق الحلبة إلى وضعهم السابق .

السيزوج: أيوه ... أدى أحنا شربنا القهوة وبقينا أخر تمام ... نكمل بقى ... استعد يا عمى ... أستعدي يا مدام ... مزيكا و تعزف موسيقى افتتاحية الجزء الثانى » ... تتغير الأضاءة إلى اللون الأحمر ... نزول الستائر البمبى ثم .

المسلام : حبيبي .

الشخص: حياتي.

المستدام: أنت لوحدك .

الشخص: طبعا.

المسلم : ومراتك ؟!

الشخص: غارت ياروحي!!

المسلم: ياحبيبي .

الــــزوج: (يتدخل) إيه ده ... إيه ده .

المسلم: (للشخص ولا تعير الزوج أى اهتمام) أنا ما غتش من أمبارح قعدت جنب التليفون ... وعجرد ما أتصلت بي ... جيت على طول .

الشبخص: ياحياتي.

المسلم : أسمع ... خد (تعطيه النقود) .

الشخص: إيه دول.

المسلم : الفلوس اللي أديتها لي من شوية .

الــــزوج: (يتدخل مرة أخرى) يابنت الهرمة ... النص شهر .

الشخص: (للزوج في ضيق) يووه ... وبعدين .

السسزوج: وبعدين إيه.

الشخص: أنت مش خدت مكانى ... سبينى بقى أشوف شغلى (ثم للمدام) لكن يا حبيبتى ... ده حقك .

المسلام: مش عايزاه.

الشخص: دى مهنتك ياروحى.

المسلم: لأ ... بلاش ... بلاش أرجوك .

الشخص: بلاش إيد ؟!

المسلم: بلاش تجيب سيرة المهنة ... وأنا معاك بأحس أن الدنيا كلها ملكى ... وأنت المتعة الوحيدة اللي في حياتي .

السسزوج : ياخبر ... أمال ما قالتليش ليه الكلام ده .

الشعط : (وهو يشخط فيه) بس أرجوك ... مش عارف أشتغل (شم عارف أشتغل) بعنى وأنت معايا ... يتنسى عذابك .

المسدام: طبعا

الشخص: إحنا لازم تعيش لحظتنا دى .

المسلم: نعيشها .

الشخص: وننسى كل اللي فات.

المسلم: نفسى .

الشخص: لازم ... لازم ... لازم .

المسلم: (فى آغراء) أيوه يا حبيبى ... لازم ... لازم ... لازم ... لازم .

السسزوج: (ثائرا) الله ؟! ... هو إيه اللي بيحصل ده .

الشخص: (للزوج في ضيق) أسكت يا أخى.

المسلام: قرب.

الشـخص: أهو.

المسدام: كمان .

الشخص: أهو.

المسدام: كمان.

الشخص: أهو ... لازم ... لازم ... لازم .

المسلم: صح ... لازم ... لازم ... لازم . (یکادا یحستسطنان ولکن) .

السروج: (فى ثورة عارمة) لأ ... ولع النور ... غير الأحمر وهات الأسود أطفى خالص ... أقفل المزيكا ... شيل الستائر ... نزل الشبابيك كسر البابان ... هات الحيطان

... إيه ياناس ده ... إيه (تحدث لخبطة غير عادية من قبل عامل الأضاءة والموسيقي معا) .

الشخص: الله الله ... ايه ... فيه إيه ؟!

السستروج: إيه ده يا حبيبي ... إيه ده.

الشحفص: أنت مش عايزني آخد مكانك ... أديني خدته.

السسزوج: أيوه ... بس أنا لما كنت مكانك ... محصلش معايا الحاجات الحلوة دى .

الشحص: طب وأنا أعملك إيد ؟!

السسزوج: مش أنت اللي كنت عمال تتحكم في .

الشحص: يابني والله ما أنا.

السسزوج: أمال مين ١٤

الشخص: دى ظروفك أنت.

السسروج: طب وظروفك أنت ؟!

الشخص: لأه ... أنا ظروفي حاجة تانية .

الـــزوج: حاجة تانية أزاى يعنى ... هو أنت أحسن منى .

الشبخص: (في كبرياء واضح) طبعا ... مش أنا صاحب اللعبة .

الـــزوج: ما قلناش حاجة ... بس المفروض أنك تبقى عادل.

الشـخص: عادل أزاى يعنى ١٤

السسزوج: يعنى زى ما كنت أنت فى مكانك وأنا مساشى

بشروطك ... لازم أنت كسمان لما تأخذ مسكاني ... تمشى بشروطى ...

الشـخص: (وقد فوجيء) إيد ؟!

السيزوج : هو ده العدل .

الشخص: (وقد بدأ يقتنع) مظبوط مظبوط ... عندك حق ... طب إيد هو المطلوب منى ؟

الـــزوج: تشى زى ما أنا عايز.

الشـخص: ماشي.

السيزوج: والمدام كمان.

الشيخص: ماشي.

السسزوج: هانكمل بقى من ساعة ما وقفت أنا لما كنت مكانك.

الشخص: تحت أمرك.

السروج: أنت دلوقتى بنى أدم ... غلبان ... مسكين ... الظروف معاكساك تعبان جدا

السسزوج: ومحبط جدا ... وكل أملك أنك تنسى عذابك كلد من خلال سهرة عربيدة تنتقم بيها من كل حياتك اللى عيشتها هدر ... حلو.

الشـخص: حلو ؟! ده حلو قوى !!

الـــزوج: وأنت بقى يامدام ... فجأة يسيطر عليك أحساس أنك

آلة ... اللى بتعمليه مع ده ... بتعمليه من غيره ... أتلغت المشاعر والأحاسيس من حياتك ... ونفسك مرة تحسى أنك بنى أدمة ... ليك شخصية وكيان ... بنى آدمة هى اللى تأمر ... هى اللى تقرر ... أهو أحنا بقى حانبدأ من هنا ... ممكن .

الشخص: (ومعد المدام) ممكن .

السسزوج : طب أتفضلوا .

المسلم: (للشخص) أنت متجوز ؟

الشخص: (وهو هنا يتحدث بأحاسيس ومشاعر الزوج) آه .

المسلم: وجايبني أنا ليه ١٤

الشخص: مراتى خلاص ... بقيت آلد.

المسسطام : برضه !!

الشعص : الجنس بالنسبة لها بقى مجرد نوم على السرير.

المسلم: نفس إحساسي .

الشخص: مرة وأنا بأمارس معاها الجنس ... أكتشفت . (يتردد في الاستمرار) .

المستنام: (وهي تشجعه على الاستمرار) اكتشفت إيد ١٤

الشخص: أنها ناية.

المسكام: نايمة ١٢ مسكينة (لحظة صمت ثم) عندك ولاد .

الشسخص: ولدين.

المسلم: مراتك بتشتغل ؟!

الشخص: طبعا.

المسلم: يبقى هو ده السبب.

الشخص: طب وأنا ؟ أنا ذنبي أيد ؟!

المسلم: وهي برضه ... ذنبها أيه ؟!

الشخص: بس أنا حذرتها.

المسدام: حزرتها من إيد ١٦

الشحص: من تكرار المأساة .

المسلم: وكررتوها ١٤

الشخص: بالحرف ... نفس الظروف ... نفس المعيشة ... نفس المعادف ... نفس العداب ... طب ليه ؟!

المسدام: أنت بتسألني ١٢

الشخص: أمال اسأل مين بس ... اسأل مين ؟! ياه ... وأنا ظروفي كانت وحشة قوى .

المسلم : بس أنا بقى ... ظروفى أوحش .

الشحص: (ثائرا فيها) مفيش حد ظروفة أوحش من ظروفي .

المسدام: (بكبرياء وتحدى) أنا.

الشخص: أنت كدابه.

المسسدام: إخرس (وهي تضربة بالقلم) .

الشخص: (بترقف ثم) لأ ... لأ ...

السنوج : لأ إيه ؟!

الشخص: إيه ياعمى ده ... هو يعنى لازم القلم.

الــــزوج: يعنى ... بيدى شرية سخونة ... شوية حرارة .

الشخص: أيره ... بس أنا ما أضربش بالقلم .

السسزوج: ماتنساش أنك بتتصرف من خلالی أنا ... مش من خلالی أنا ... مش من خلالک أنت .

الشخص: ماشى ... بس احنا يعنى حانقعد نرغى كده على طول.

الــــزوج: طب وأنا أعملك إيه ١٤ ما هي الحكاية كده. إشرب بقى شوية.

الشخص: أيره ... بس مش ممكن اللي بيحصل ده .

السروج: علشان تعرف قد إيه احنا غلابة ... الواحد منا من ساعة ما يتولد وهو عايش في فقر ... يكبر ... في فقر ... عوت ... برضه في فقر طب إزاى ١٢

الشسخص: ما أنت أصلك لسه مش فاهم.

السيزوج: وحضرتك اللي فاهم ١٤

الشخص: طبعا (في ثقة غير عادية) .

السسزوج: طب كمل بقي.

الشعص : أيره ... بس ها نفضل نكمل واحنا ناشفين كده .

الـــزوج : أمال يعنى عايز نكمل في الحمام ... وأنت بتاخد دش .

الشخص: مش قصدى.

السسزوج: أمال قصدك إيه.

الشخص: أنا قصدى ... ياريت يعنى نكسل الكلام ده ...

بعد ال ... :

السسزوج: لأه ... ده بعدك ... هانكمل وأنت كده ... وآلا ناوى ترجع في كلامك .

الشخص: لأه ... أرجع ... أرجع ده إيه ؟! أنا ولا يهمنى .

السسزوج: يبقى خلاص ... اتفضلوا كملوا.

الشخص: (للمدام) أمال اسأل مين بس ... اسأل مين ؟! ياه ... وأنا ظروفي كانت وحشه قوى ..

المسسدام: بس أنا بقى ... ظروفي أوحش.

الشـخص: مفيش حد ظروفه أوحش من ظروفي.

المسسطام: (في كبرياء وتحدى) أنا.

الشخص: أنت كدابه.

المسسطام: إخرس (ثم تضربه بالقلم).

الشيخص: يروه.

المسسدام: أنت على الأقل كان عندك أم وأب.

الشعص : بس كانوا فقرا .

المسلم: يعنى إيد ١٤

الشـخص: وجودهم زي عدمهم.

المسسلام: ولو برضه ... لكن أنا ... ما كانش عندى حاجة خالص . وبنت مكسورة الجناح ... يعنى لا حول لها ولا قوة .

الشبخص: أبوكي مات.

المسلم : أبويا ما أعرفوش .

الشبخص: طب وأمك.

المسلم : أمى علشان تعيش ... كان لازم تبيع نفسها .

الشخص: علشان تربيكي.

المسلم: أنا كنت لسد ما جتش.

الشـخص: ياخبر ... يعنى كانت ...

المسلم: بالضبط ... وهي حامل في .

الشـخص: (مفكرا لحظة) يعنى ممكن يكون أبوكي غنى .

المسلم: أو فقير ... مين عارف.

الـــزوج: (فجأة يتدخل) يعنى حكاية الفقر والغنى دى يا اخوانا ... ممكن تكون بالحظ.

الشخص: (في ضيق واضح) ياعم حظ إيد ... خليك في حالك .

السسزوج: ماهى مسألة تحير.

الشخص: بس سيبنا نكمل.

السيزوج: أيوه ... بس أنا ...

الشخص: (يقاطعة في ضيق مطلق) يووه .

السيزوج: خلاص يا عمى كمل.

الشحص: (للمدام) أيوه ... لكن أنت إزاى بقيت كده ؟

المسلم : أول ما اتولدت ... كنت عايشة عيشة أخر نغنغة .

الشخص: إزاى ١٤

المسلم: أصلى أمى بقيت حاجة تانية ... كان عندها أربع شقق .

الشحفص: ملك.

المسدام: لأ ... دعارة .

الشخص: ياخبر.

المسسدام: لكن ما تعرفش ايد اللي حصل ... فجأة ... مسكوها .

الشخص: وطبعا سجنوها.

المسلم : وصادروا كل أملاكها .

الشخص: طب وإنت.

المسلم : بقیت فی الشارع ... كان ساعتها عندی حوالی تمن تسع سنین ولا لی أب ولا أم .

الشخص: وعملت إيه ؟!

المسدام: بعت نفسى .

الشخص: وإنت عندك تمن سنين.

المسلم: ما أنا كان لازم آكل وأشرب وألبس وأنام ... طب أعمل إيه .

الشحفص: طب والمسألة الجنسية.

المسلم : ما كانتش أعرفها ... لكن لما عرفتها ... إحترفت بقى .

الشعفص: وكررتي أمك.

المسدام: بالظبط.

الشخص: تبقى وراثة.

المستام: إيدهي ؟

الشعص : المأساة ... أنا أكرر أبويا ... وإنت تكررى أمك ... والشعص : المأساة ... أنا أكرر أبويا ... وإنت تكررى أمك ... وهكذا مفيش فايدة ... (لحظة تمر ثم للزوج) لا ياعم .

السنوج: لأه إيه.

الشخص: كفاية كده.

السسزوج: يعنى إيه.

الشيخص: يعنى تعالى مكانك ... وهات مكانى .

السسزوج: أنت لحقت (يتبادلان الأماكن ويعود كل منهما إلى

مكانه السابق).

الشخص: طبعا ... أصل اللي إحنا عسملناه ده ... فسرض مستحيل .

السسزوج: يعنى إيه ؟

الشخص: يعنى أنا مش محكن أبقى مكانك ... وأنت تبقى مكانى .

الـــزوج: طب ليه.

الشخص: علشان أنا صاحب اللعبة ... أنا لازم أبقي فوق.

السسزوج: وأنا لازم أبقى تحت.

الشخص: عَام ... أنا اللي لازم أقول ... وأنت تسمع ... أنا اللي أأمر ... وأنت تنفذ ... وهكذا .

السسزوج: أيره ... بس المسسألة بقت عملة ... وزى مسا يكسون مالهاش حل .

الشبخص: أبدا ... بس أنت لسه مش فاهم .

السسزوج: تاني مش فاهم.

الشخص: أيره.

السسزوج : طب إمتى هافهم .

الشيخص: لما تكبل.

الـــزوج: بس لازم تساعدني .

الشخص: هاحاول ... بس كمل (يعود الزوج للتمثيل مرة أخرى مع المدام) .

المسلم: (وهي تكاد تبكى) عرفت قد إيه أنا مظلومة ... ها ... بس أنا عارفة أخرتها إيه ... مفيش فايدة ... مفيش فايدة .

السيزوج: بأقولك إيه ... استنى على شوية ... أخد نفسى حتى ... أنت هاتبديها بمفيش فايدة ... يعنى أول القصيدة كفر .

المسلم: أمال هانبتدى منين ؟

الـــزوج: (للشخص) ها ياعمى ... هو أحنا ها نبتدأ بإيه ؟

الشخص: بمفيش فايدة.

السروج: والله ... يعنى هى البداية كده ... ماشى ... أسف يامدام ... اتفضلى ...

المسلم: (تعود للبكاء) عرفت قد إيه أنا مظلومة ... ها ... بس أنا عارفة أخرتها إيه ... مفيش فايدة ... مفيش فايدة ..

السسزوج: (منفجرا فيها) لأ ... كفاية بقى .

المسلم: (مندهشة) كفاية إيد؟

السسزوج: كفاية يأس وبؤس وبكا ونواح على اللي فات .

المسلم: أمال ها نعمل إيه ؟

الـــزوج : نعيش حياتنا .

الـــدام : إزاى بس .

الـــزوج : أحنا بنملك لحظة .

المسدام : لحظة إيد!

المسلم ، بس دى لحظتك إنت ـ

المسلم : إزاى ؟ إنت ناسى إنى بأشتغل .

السنوج : طب ما تنسى إنت كمان .

المسلم عما أقدرش . (تبتعد عنه) .

السسزوج : (يلح في الإقتراب منها) ليه بس .

المستعام ۽ أنت حر .

الـــزوج : (متعجبا بالطبع) أنا ؟!!

المسلم على الأقل .. لكن أنا .

السروج: (بضيق مطلق) إنت بتتحديني .

المسلم : مرة بقى .

السيزوج: مرة إيه ؟

المسسدام: مرة أحس بقوتى ... بكيانى .

السسزوج: ليدكل حاجة ضدى ؟

المستقام: إحساسك هو نفس إحساسي برضه.

السيزوج: (وهو في قمة الالحاح) تعالى أرجوكي.

المسلم : إنت محتاجني دلوقتي .

السسزوج: جدا.

المسسدام: لأن الرغبة جواك بتزيد.

الـــزوج: مظبوط.

المسلم : الحرية بالنسبة لك ... هي الإستمتاع بي .

الـــزوج: صح.

المسلم : والحرية بالنسبة لى هي الإستمتاع بيك .

السيزوج : (مندهشا من كلامها) بي أنا .

المسلمام: (مندفعة) أيود ... أنا عشت طول عمرى ضعيفة ...

وعالم الكام هو سبب ضعفى ... أنا دلوقتى بس . هاحول ضعفى إلى قوة ... إلى سلاح ... والعب بيك واستغلك واطحنك ... وأنتقم من خلالك من كل أنواع العذاب اللى شفتها في حياتي .

السسزوج: بس مش أنا السبب.

المسلام: أمال مين ؟

الــــزوج: الظروف. تعالى نتحدى الظروف دى ونعيش حياتنا ... حاولي تستمتعي زي .

المسلم : حاولت أكثر من مرة وفشلت .

الـــزوج: طب ليد.

المسلم: علشان في كل مرة بأقبض الثمن.

الـــزوج: خلاص ... هاتي الفلوس اللي خدتيها .

المسلام: وأعيش إزاى.

الـــزوج: هاديها لك بعد ما نضحك على الظروف.

المسلم: يبقى بنضحك على بعض.

الـــزوج: خلاص ... بلاش فلوس خالص.

المستقام: يبقى بتضحك على .

السسروج: يخسرب بيت أهلك ... طب أعسملك إيه ... أوف ... ياساتر إنت إيه ؟!

المسلم: أنا قوية ؟

الـــزوج: ماشى ... وأنا الضعيف ... بس تعالى بقى .

المسسمام: (وهي تشعر بقمة النشوة) الحرية .

السسزوج: تعالى بأقولك.

المسلم : أبدا .

السيزوج: تعالى أرجوكى.

المسسدام: مستحيل.

السسزوج: (صارخا في ثورة) مؤامرة ... مؤامرة تدبر ضد حريتي

... كل الناس بقت ضدى ... اللى أعرفها ... واللى ما

أعرفهاش ... أزاى ... عايز أفهم أزاى ... فعلا ...

مفیش فایدة ... مفیش فایدة (وهو یکاد یبکی) .

المسلم: (صارخة فيه) لأ ... ما تقولش مفيش فايدة ... فاهم ... أنا ... أرجوك ... أنا

مسكينة ... ضحية (ثم تبكي بصوت مسموع).

الـــزوج: (للشخص) ها ياعمى ... وآخرتها ١١١

الشـخص: مفيش.

السنزوج: يعنى إيد؟!

الشخص: مش هاتقدر توصل معاها لحاجة.

السيزوج: والعمل؟

الشعص : خليها تخش ترتاح جوه ... وإحتمال بكره الصبح تروق .

السيزوج: طب وأنا.

الشـخص: استحمل شرية.

الــــزوج: استحمل إيه والا إيه ... هو أنا عندي وقت.

الشسخص: لسد قدامك أربعة وعشرين ساعة.

السروج : ما أنا خايف المدام تطب .

الشخص: ياراجل ... هي لحقت ... وهي لسه مسافرة ... كمل . كمل . كمل .

السنوج: حاضر (ثم للمدام وهي ما زالت تبكي) بأقول لحضرتك إيه.

المسلم: نعم .

الــــزوج : مش أحسن تخشى ترتاحى جوه ... واضح أن أعصابك بايظة خالص .

المسدام: مظبوط ... أنا فعلا تعبانة وعايزة أرتاح .

الـــزوج: طب أتفضلى ... أودة النوم على اليمين .

المصدام: أشكرك ... أنت فعلا بنى أدم .

الـــزوج: متشكر.

المسدام: وطيب.

الـــزوج: قصدك عبيط.

المـــدام: لأ ... طيب .

الـــزوج: مرسى.

المسدام: يعنى ما أنتش زعلان.

الــــزوج: وحازعل من إيه ؟

المسلم: علشان جيت ضايقتك وعلى الفاضى .

الـــزوج: لأ ... أطمئني ... أنا واخد على كده .

المسلم : طيب ... تصبح على خيس . (تخرج من الباب الذي يظهر من مكان ما) .

السسروج: مش محكن ... أكيد فيه حلقة مفقودة بينى وبين العالم اللى أنا عايش فيه ... بس برضه مش هاستسلم (يذهب إلى التليفون ويدير القرص ثم) آلو . (تظهر امرأة أخرى بنفس مواصفات المدام وأن كانت أصغر في السن قليلا وسوف نطلق عليها (مدام ٢) وهي تظهر وتتحدث معه وهو لا يلاحظها ويتصور أنها تحدثه في التليفون) .

مسدام ۲: آلو.

السسزوج: مين حضرتك.

مسلم ٢: أنا المدام.

السسزوج: أنهى واحدة فيهم؟

مسلمام ٢: الواحدة اللي تعجبك طيعا.

السيزوج: أمال التانية راحت فين .

مسعام ۲: تانید مین .

السسزوج: أم صوت تخين.

مسسلام ۲: خرجت .

الـــزوج: أحسن.

الشخص: (يتدخل سريعا) إيه ده ... أنت بتعمل إيد .

الـــزوج: شه ... سيبنى بقى ... سيبنى (ثم يعود للتليفون) ألو ...

مسلام ۲: ألو.

السسزوج: عايزك تيجي لي حالا.

مسسطام ۲: نين .

السسزوج: البيت.

مسلم ٢: أنت لوحدك.

السسزوج: أيوه.

مسطام ۲: عینیه .

السسزوج: أمتى ١٤

مسللام ۲: ثوانی وحاکون عندك .

الشدخص: (يتدخل مرة أخرى) ياعمى أنت إيد اللي بتهيبه ده.

السسزوج: (ثائرا فیه) بأقولك إیه ... سبینی بقی ... عایز اشم نفسی شویه ... یاساتر ... أرحمنی بقی ... أرحمنی (ثم یعود للتلیفون) ألو .

مستام ۲ : ألو .

السسزوج: (وهو يفاجيء بها موجوده بجواره) الله ... أنت هنا .

مسسلام ٢: مش قلت لك ثواني .

الـــزوج: (مندهشا) أنت كنت بتتكلمي منين.

مـــدام ۲: من يقي .

الـــزوج: لأ ... مش قصدى ... بس التليفون ده .

مسلم ۲: ما كانش لد لزمد.

الـــزوج: يعنى كان ممكن تيجى من غير التليفون.

مــدام ۲ : أكيد .

الــــزوج: أزاى .

مسلام ٢: مجرد أنك تفكر في ... تسرح بخيالك لحظة .

الـــزوج: ياحياتي ... أسمعي ... عايزة كام .

مسلمام ٢ : إيد ... كام ؟ كام إيه (مصدومه بالطبع) .

السسزوج: كام فلوس.

مسلام ٢: أخص عليك ... أنت بتديني تمن حبك .

الـــزوج: (وهو يتعجب من كلامها بالطبع) نعم !!!

مسلم ٢: دانا سبت الدنيا كلها علشانك.

السيزوج: أفندم (مازال في ذهوله) .

مسلم ۲: قد کده بتشك فيه .

السسزوج: أتشك في نظري لو كنت فاهم حاجة.

الـــزوج: أزاى إيد ... أنت تعرفين قبل كده.

مسلم ٢: طبعا.

السسزوج: من أمتى.

مسلام ٢ : مش مهم الزمن .

الـــزوج: أمال إيد المهم.

مسلم ٢: اللحظة اللي بنعشها .

الـــزوج: (وهو يتذكر كلامه مع المدام) مظبوط ... عندك حق ... ده كلامي أنا ... كلامي أنا ... كلامي أنا ... كلامي أنا .

مسلام Y: علشان تعرف مدى العلاقة اللي بينا ... أحنا تفكرنا واحد .

الـــزوج: يعنى ...

مسلم ٢: طبعا .

السسزوج: أنا وأنت.

مسدام ۲: مظبوط.

السسزوج: (وهو فى قسمة الفرح والنشوى) الله ... (ثم فجأة لعامل الأضاءة) وله ... أدينى أزرق ... بسسرعه (تتحول الأضاءة العاملة إلى اللون الأزرق) حلو قوى ... أكسره بقى بالأحمر (تظهر بقعه ضوء حمراء وسط الأزرق العام هايل ... (ثم لعامل الموسيلقى)

عمى ... حتة موسيقى ناعمه ... ناعمه قوى (تنزل موسيقى ناعمه بالفعل) الله ... أحبك إيه ده ... إيه ده ... أنا قلت حاعيش ... يعنى حاعيش . (ثم لمدام ٢) أنت معايا .

مستام ۲: معاك .

السيزوج: الأخر الدنيا.

مسلم ٢ : لأخر الدنيا .

السيزوج: مهما حصل لنا .

مسللام ۲ ت مهما حصل لنا .

السسزوج: حتى لو كان الثمن ...

مسدام ۲: حیاتی .

السسزوج: ياحياتي (يحضنها ويرقصان معا على أنغام الموسيقي السنوج : الهادئة) .

الشخص: يانهار أحوس ... يانهار أحوس.

(يظهر الشاب وهو في العقد الشالث من عمره وهو رسمي جدا ويرتدي البدلة وكذلك النظارة الطبية على عينه ويحمل في يده بعض الكتب ... يقف ثم ينظر إلى الزوج ومدام ٢ ثم للشخص الحائر في مكاند ثم) .

الشــاب: (للشخص) بس ... بس .

الشبخص: طب أعمل معاه إيد الجدع ده.

الشــاب : بس ... بس .

الشخص: (وهو ينتبه له) إيه ياعمى أنت راخر .

الشـــاب: هو أنا حاقف كده كتير.

الشخص: استنى بس شويد .

الشياب: لحد أمتى.

السستوج : (لمدام ٢) أنا مش مصدق .

مسلام ۲: مش مصدق إيه.

السسزوج: اللي أنا فيد.

مـــدام ۲ : ليد .

السيزوج: حاسس أنه خيال.

مسلام ۲: طب أمسك أيدى .

السسزوج: أهو (يسك يديها بالفعل) .

مسلام ٢: ها ... حقيقة والاخيال.

السيزوج: لأ ... حقيقة يا ناس ... حقيقة .

مسلام Y: يا حبيبى .

الـــزوج: ياحبيبتى (ثم يعودان للرقص مرة أخرى).

الشساب: يسووه ... أنا حافضل ملطوع كده (ثم للشخيص)

بس ... بس .

الشبخص: إيديا عمى.

الشــاب: الباب لو سمحت .

الشخص: الباب ؟

الشــاب: أيوه ... أنت مش واخد بالك منى وألا إيد ؟

الشخص: (متذكرا) الله ... هو أنت .

الشــاب: أيوه ياعمى ... إيد ... أنت سرحت .

الشخص: أعمل إيد ... حايطير برج من نفوخى الجدع ده (يبدأ في أظهار الباب العمومي للشقة) .

الـــزوج: (وهو ينتبه لما يحدث حوله) الله ... هي إيه الحكاية .

مسلام ٢: خليك معايا أنا.

الـــزوج: أيوه ... أنا معاكى ياحبيبتى ... بس ...

(تعود الأضاءة مرة أخرى إلى طبيعتها ثم يبدأ الشاب في الخبط على الباب) ياخبر ... ده الباب بيخبط .

مسلمام ٢: (في خوف إلى حد ما) هو أنت مستنى حد .

الــــزوج: لأ ... (ثم للشخص) الله ... أنت ناوى على إيد .

الشبخص: مش ناوى على حاجة ... بس عايزك تصحى .

السسزوج: أصحى من إيد.

الشــخص: من اللي أنت فيه ... أفتح ... أفتح .

السسزوج: أفتح إيد ... هي مش دى المدام .

الشخص: لأ.

السيزوج: أمال دى مين .

الشخص: ماتسألها.

الـــزوج: اسألها ؟! (ثم للمدام) أنت مين ؟

مسدام ٢ : أنا أحلام .

الـــزوج: أحلام مين ؟

مسدام ۲: أحلامك .

السسزوج: معقوله.

مسلم ۲: أمال أنت فاهم إيه ... هو فيه واحده تبقى بالسهولة دى ... بمجرد ماتقولها ألو ... تلاقيها عندك وبتقولك شبيك لبيك عبدك وبين أيديك ... دى حاجة ما تحصلش ألا في الأحلام أو الأفلام ... العربي والهندي بالتحديد .

الـــزوج: (حائرا) أيوه ... لكن .

مسللام الكن إيه ... ده حتى كان باين من الكلام اللي دار بينا .

السيزوج: أيوه ... بس الكلام كان حلو.

مسلم ٢: بس ما لوش علاقة بالواقع.

الـــزوج: ياه ... معقوله.

مسلام ۲: وبعدین ... ماتأخذنیش ... أنت فاقع قوی فی أحلامك ... طب علی أيد ...

لا مؤاخذه يعنى لا مال ولا جمال ... وفوق كل ده ... أنت مش تيبي .

السسزوج: طب وإيد اللي غصبك.

مسلم ۲: خیالك یا حبیبی ... هو أنا مش من وحی خیالك ... أقدر أقول حاجة واحد وبیتخیلنی ... أقوله لا ... مش فاضیة ... یاریت كان بأیدی ورایا غسیل .

السيزوج: (ساخرا بمراره) حتى أنت كمان ... مش حرة .

مسلم ۲: (ساخرة أيضا) تخيل ... عن أذنك ... بس تانى مسلم ۲: (ساخرة أيضا) تخيل ... أبقى أحلم على قدك ... بأى مرة ... لما تيجى تحلم ... أبقى أحلم على قدك ... بأى (ثم تخرج من مكان ما).

الشاب: (للزوج) ها ... خلصت.

السنزوج: خلصت ايد.

الشهاب: خلصت كلام.

الــــزوج: وأفرض خلصت كلام ... أنت مالك ... وعايز ايه .

الشساب : عايز أخبط يا أخى .

المستزوج: هو أنت اللي كنت بتخبط.

الشــاب: أيره.

السسزوج: طب وتخبط ليد.

الشاب : علشان فيه باب .

السنزوج : كدهو ... (ثم للشخص) شيل ياعمى الباب (يختفى السنوج : كدهو ... ورينى ها الباب أنشال أهو ... ورينى ها تخيط فيه .

الشــاب: طب وأخبط ليه ... ما أنا كده أبقى دخلت .

السروج: الله ... أهلا (ثم للشخص) أيوه ... شغلك ده بقى ... مشكده .

الشخص: وأنا مالى وماله يا أخريا.

السسزوج : أمال يبقى مين ده .

الشخص: أنا عارف ... ما تسأله.

السيزوج: (للشاب) نعم يا حبيبي ... أفندم.

الشباب: مساء الخير.

السسزوج: مساء النور ياسيدي.

الشساب : ياتري موجود .

السيزوج: هو مين اللي موجود.

الشاب : صاحب البيت .

الــــزوج: حضرتك غلطت في العنوان ... صاحب البيت في آخر دور على الشمال .

الشاب : لأ ... واضع أن حضرتك فهمتنى غلط .

السسزوج: أنت مش عايز صاحب البيت.

الشياب: لأ.

السيزوج: أمال عايز مين ؟

الشساب: أنا عايز صاحب الشقة دى.

السيزوج: أنا صاحب الشقة دى .

الشــاب: ياخبر ... الله ... أمال هو راح فين ؟

السيزوج: هو مين يابني .

الشاب : صاحب الشقة .

الـــزوج: (للشخص) مش بأقولك ... ده شغلك ... اللعب ده يبقى شغلك .

الشخص: ياعمى والله ما أعرفه.

السسزوج: (للشساب) يا أستاذ ... حضرتك بقسى ... غببى ولا بتستعبط.

الشــاب: (في ضيق مطلق) أرجوك ... أحترم نفسك .

السسزوج: يووه.

الشـــاب: احتمال يكون عزل.

السيزوج: هو مين اللي عزل.

الشاب : اللي كان ساكن قبلك .

السروج: مفيش حد كان ساكن قبلى ... (ثم يضيق مطلق) الله ؟!! الشساب: حاجمة غريبة ... العنوان صبح ... رقم البيت ... رقم الشقة .

الــــزوج: أيوه ... بس اللى جوه الشقة ... طلع مش صح ... عمكن تتفضل بقى .

الشاب : أشكرك ... (يذهب إلى الكرسي ويجلس عليذ).

الـــزوج: ياحبيبي ... طب معناه إيد الكلام ده.

الشـــاب: أصلد كان عزيز علينا جدا.

الـــزوج : هو مين .

الشاب : اللي كان ساكن قبلك .

السسزوج: يخرب بيتك ... أنت لسه مصر.

الشساب: كنت واثق أنى مش هالاقية.

السيزوج: والله.

الشساب: أصلة مات.

السسزوج: (على الفور للشخص) بالذمة ده مش شغلك.

الشحص: (في ضيق مطلق) يبوره ... أنت هاتشتغلي ... ما تكمل بقي وخلصني .

السسزوج: حاضر.. عينيه.

الشساب: تخيل ... مش هاتصدق ..

السسزوج: مش هاصدق إيد ؟

الشان عظيم .

السسزوج: ياسلام.

الشـــاب: أنت عارف مات أزاى .

السيزوج: زي ما أي حد بيموت.

الشاب: تبقى عمرك ما عرفته.

السيزوج: ليد ... هو مات أزاى .

الشاب : مات بطل .

السسزوج: ياحلاوة ... بطل!!

الشـــاب: في أخر عملية ... وأعظم عملية .

الـــزوج: يبقى أكيد في مستشفى درجة ثالثة.

الشاب : مستشفى إيه يا متخلف .

السيزوج: هو مش كان عيان.

الشياب: (وهو يصرخ في وجهد) لأ ...

الـــزوج: طيب ... مالك ... ما أنا قلت لك ما أعرفوش .

الشـــاب: (وهو حزين) غريبة .

السيزوج: غريبة ليد.

الشياب: لأنه ضحى بنفسه علشان الناس.

السسزوج : طب وأنا مالى .

الشــاب: مالك أزاى ؟! هو أنت مش من الناس.

الـــزوج : وأنت مال أهلك .

الشــاب: أخرس بارقح ... حـسن مـلافظـك ... (وهو يـكاد يبكى) ياخسارة ... ياخسارة .

السيزوج : خسارة إيد بس .

الشهاب : كان كل هدفه أنه يغيير المجتمع الوسيخ اللي أنت واحد منه .

الـــزوج : بأقولك إيد ... طولة لسان مش عايز .

الشهاب: (مازال في مكانه) ... أه لو كان يعرف أنك أنت واحد من الناس .

ال___زوج : ما كانش ضحى بروحد ... مش كده .

الشــاب: لأه ... هو أكبر من كده ... بأقولك كان بطل ... بطل .

الــــزوج: ماشى ... أنا معاك ... بس أنا برضه مش فاهم حاجة .

الشباب : مش فاهم إيه .

السروج : أنت مثلا مين ؟ ... والبطل بتاعك ده ... يبقى مين ... وفي النهاية سواء كنت أنت وألا هو ... عايزين منى أنا ايد ؟

الشياب: أه ... انت كده عايز تفهم الحكاية من الأول .

الـــزوج: ده إذا ما كانش عند سيادتك مانع.

الشـــاب: ماشــى . أقـول لسـيادتك ... الحكاية يا عزيزى ... (فجأة يظلم المسرح تماما) ياخـبر ... النـور أنقـطع . (يأتي إلينا صوت الشخص وهو يتحدث مع الزوج) .

الشخص: ما تخفش.

السيزوج: إيدده ... مين اللي بيتكلم .

الشيخص: أنا.

السسزوج: أمال فين الجدع اللي كان معايا.

الشخص: أنا عارف.

السيزوج: ما داهية ليكون حصل له حاجة.

الشبخص: حاجة زي إيه ؟

السيزوج: إنت بتسألني .

الشخص: أمال اسأل مين.

السسزوج: اسأل نفسك.

الشبخص: طب واسأل نفسي ليد.

السروج: مش أنت صاحب اللعبه كلها ... ها ... أنت صاحب اللعبه والا لأ الله ... أنت ما بتردش ليه (ينتظر الرد دون جدوى) أنت معايا ... ها ... أنت وألا مس معايا ... ها ... ماترد (لحظة صمت ثم) الله ... هو راح فين ... طب والجدع اللي كان معايا ... راح فين راخر الله ... يعنى لاده ولا ده ... طب إيه الحكاية . واخر الله ... يعنى لاده ولا ده ... طب إيه الحكاية .

باختفاء الشاب ويجلس بدلا منه (الملتحى) وهو شاب فى مقتبل العمر ويرتدى جلباب أبيض وطاقية فوق رأسه ويتميز وجهه بذقن طويلة إلى حد ما بمجرد أن يراه الزوج حتى يفاجىء به ثم) .

الــــزوج: (للملتحى) إيدده ... أنت مين .

الملتسحى: مين إيد ؟! أنت مش عايز تعرف الحكاية.

السسزوج: حكاية إيد ؟!

الملتحى : حكاية البطل اللي ضحى بنفسه علشان الناس.

الــــزوج: أيوه ... بس أنت ما كنتش أنت ,

الملتــحى: أزاى ؟!

الــــزوج: أزاى ١٤ ماكنش فيه دقن ... ولا جلابية ... ولا شبشب ... أمال التانى راح فين ؟

الملتسحى: ياعزيزى مفيش هنا تانى.

السروج: (وهو في قيمة الدهشة) مش ممكن ... كان فيه هنا واحد تاني ... راح فين ياناس (يبحث في أماكن مستفرقة من الصالة وهو يتبذكر) أه (ثم للشخص) أظن بقي ... اللعب ده ... لعبك أنت .

الشسخص: تانى ... هو أنت كل ما تحصلك حاجة غريبة ... تتهمنى أنا . السيزوج: طب أعمل إيد ... ما هو مفيش غيرك قدامى ... أنا خلاص ها تجنن .

الشحص : طب ما تحاول تفهم .

السسزوج: أفهم إيد ... المسأل كده ملخبطة خالص.

الشعص: لوحكست عقلك ... حتكتشف أن مفيش لخبطة ولاحاجة .

السسزوج: أزاى ؟ إذا كان ده ... غير التانى .

الشخص: ماتبصش للشكل.

السسزوج : أمال أبص لإيد .

الشخص: للجوهر.

السروج: أيوه ... هانرجع للكلام الكبسيسر ... اللي لا يودي ولا يجيب .

الشحفص: طب ماتكمل ياأخي ... ها يخس عليك حاجة.

الــــزوج: ماشى ... هاكمل ... لما نشرف أخرتها (ثم للملتحى) أيوه يامولانا إيه بقى الحكاية ١٤

الملتسحى: إحنا كنا عارفين أنهم ها يصطادوه.

السسزوج: ياه.

الملتسحى: أصله كان الرأس.

الـــزوج: رأس إيد؟

الملتسحى: رأس الجماعة.

السنزوج: جماعة مين ؟

الملتسحى: النظمة.

الـــزوج: أه ... قلت لى .

الملتحى: كل جماعة ليها رأس ... زى جسم الإنسان بالظبط ... بس أهم حاجة في الجسم إيه ؟

السروج : إيه ١٢ (وهو بالطبع في حالة ذهول) .

الملتسحى: الرأس باعزيزى ... الله ... مش تخليك معايا .

الـــزوج: أه ... صح ... عندك حق .

الملتحى: عكن الجسم يعيش من غير رأس.

السسزوج: لأ.

الملتحى: أهى الجماعة برضه ... ماتقدرش تعيش من غير رأس .

الــــزوج: (وهو يكاد يضحك) هيء ... هيء ... أيوه أيوه .

الملتسحى: الله ... مالك ... بتضحك على إيد .

السسزوج : على الرأس .

الملتسحى: أفندم (وهو يشعر بسخرية إلى حد ما) .

السسزوج : أنت مش ملاحظ أننا اتكلمنا كتير قوى عن الرأس .

الملتسحى : لأنه كان أهم واحد فيهم .

الـــزوج: معقولة.

الملتسحى: طبعا ... فقتلوه .

السسزوج: باخبر ... طب والجماعة عملت إيد؟

الملتحى: مالهاش معنى بقى .

السسزوج: ليه.

الملتسحى: علشان مالهاش رأس.

السسزوج: تانى ... هاترجع تانى للرأس.

الملتسحى: الميزة الوحيدة اللي كانت فيه ... أنه كان مؤمن .

السسزوج: مؤمن بإيد؟

الملتسحى: (بقوة وعزم) بربنا سبحانه وتعالى (لحظة صمت لمدة ثانية ثم) ألا بالحق ... أنت مؤمن .

السسزوج: طبعا ... فيه حد مش مؤمن .

الملتسحى: بس الإيان درجات.

السسزوج: يعنى إيد؟

الملتسعى: يعنى درجة أولى ... وتانية ... وثالشة ... وهكذا (لحظة ثم) تفتكر أنت بقى ... درجة إيه ؟

السسروج : لأه ... أنا درجة ثالثة .

الملتسحى: واشمعنى ثالثة يعنى.

السسروج: علشان دايما بيطلعوني الآخر ... مع أنى المفروض ... أبقى الأول .

الملتسحى: طب تفتكر إيه السبب.

السروج : ما هو ده اللي عايز أفهمه .

الملتسحى: أكيد فيه عيب.

الـــزوج: طبعا ... بس في إيد ؟!

الملتحى: في الكون مثلا.

السسزوج : جايز .

الملتسحى: في النظام.

السنوج: احتمال.

الملتحى: فينا إحنا كبشر.

الـــزوج: يكن.

الملتسحى: أنا ملاحظ أن كل ردودك غير محدده.

السيزوج: طبعا ... علشان لسد مش فاهم.

الملتسحى: طب ما تحاول تفهم.

السسزوج: أفهم إيد.

الملتسحى: أصل الحكاية.

السسزوج: وإيدهى الحكاية.

الملتسحى: ما هو ده اللي أنا عبايز أعرف منك ... أحكى ...

. أحك*ى* .

الــــزوج: هو ومين فينا اللي حايحكي للتاني .

الملتسحى: أنت.

السيزوج: (في قوة) لأ ... أنت.

الملتسحى: (فسجأة) استنسى (يتسصنت بأذنيسه فى مكان ما المالة) .

السيزوج: إيد ... مالك ... فيه إيد .

الملتسحى: فيه حد معاك هنا؟

السنزوج: كان فيه!!

الملتحى : وراح فين .

السيزوج: أنا عارف.

الملتسحى : عارف أزاى ... أتكلم يابنى أدم ... راح فين ؟

السسزوج: اختفى.

الملتسحى : ياخبر ... (يتحرك يمينا وشمالا ثم فجأة يقفز من على الحلية ويختفى أسفلها) .

السيزوج: إيه ده ... هو راح فين (ثم ينادى عليسه) ياعسمى ... ياسيدى ... أنت روحت فين (يظهر الشباب مرة أخرى من خلفة ويجلس مكان الملتحى ثم عندما يعبود الزوج يفاجىء به) ... أنت شرفت .

الشاب : إيد ... أنت كنت بتدور على حد ؟

السسزوج : لأ ... كنت بادور على سبت .

الشــاب: طيب ... نكمل بقى كلامنا .

السنوج: كلام إيد.

الشاب : عرفت البطل مات أزاى .

السروج: أه ... قصدك الرأس.

الشاب : بالظبط.

الـــزوج: ماهم قتلوه.

الشاب : بعد ماسجنوه ... قعدوا يعذبوا فيه علشان يعترف .

· الـــزوج: يعترف بإيد.

الشساب: يعترف على زمايله ... لكن صمد ... وقاوم لحد لما مات .

السيزوج: مسكين ... بس النتيجة إيد ... ولا حاجة .

الشاب : ولا حاجة أزاى !!

السسزوج: أيوه طبعا ولا حاجة ... إحنا زى ما إحنا ... فيد حاجة أتغيرت . أبدا ... طب مات ليد .

الشاب : مات في سبيل المبدآ .

السيزوج: ميدأ ... سلملي على الترماوي .

الشاب : ياه .

السسزوج: ياه إيد.

الشـــاب: باين عليك يأس قوى .

السسزوج: من اللى بشوفة واللى بيجرالى ... الدنيا عمالة تتغيير من حواليه والناس عماله تتغربل ... اللى فوق يبقى تحت ... والسلى تحت يبقى فوق ومع ذلك أنا لسافى مكانى ... طب ليه وأزاى وعلشان إيه !! هى دى بقى الحكاية .

الشاب : أنت مشكلتك إيد ؟

السسزوج: الفقر.

الشــاب : ماله .

الــــزوج: تعبني قوى ... وعمال أبحث عن أصلة .

الشاب : وهو الفقر له أصل .

السسزوج: أكيد.

الشمساب: ووصلت له ١٤

السسزوج: لسه ... بس باحاول.

الشاب : أزاى ؟

السسزوج: سألت نفسى سؤال ... إحنا ليه بنكرر المأساة .

الشحص: (يتدخل فجأة) برافو.

الــــزوج: (وهو يفاجيء به) إيه ... حلوة دى .

الشخص: طبعا (بفرح مطلق).

السنوج: طب ليه ؟

الشخص: علشان قربت تفهم ... كمل ... كمل .

الـــزوج: (للشاب) معايا ... إحنا ليه بنكرر المأساة .

الشاة إيد.

الـــزوج: مأساة الأخرين.

الشـــاب : ومين هم الأخرين .

الـــزوج: اللي قبلينا.

الشياب: طب ووصلت لأى.

الـــزوج: وصلت لأن الفقر هو سبب المأساة.

الشاب : عظيم .

الـــزوج: بس الفقر بقى ... أصله إيه .

الشــاب: أيره .

الـــزوج: هل هو قدرى ... وألا دنيوى .

الشـاب: يعنى إيد .

الــــزوج: يعنى ممكن يكون ربنا سبحانة وتعالى كتب على البنى أدم ... حق الفقر.

الشخص: (يتدخل مقاطعا) لأ.

الـــزوج : لأ إيد .

الشحص: أنت كده ها تلخيط.

السيزوج: بالعكس ... وأنا عاوز أوصل .

الشخص: توصل لإيد.

الـــزوج: للخيط من أوله ... علشان أفهم أصل اللعبة كلها .

الشخص : أزاي .

الــــزوج: مشكلتنا أن إحنا دايما بنناقش النتائج ... ولا نناقش السروج الأسباب .

الشـخص: يعني إيه.

السسزوج: يعنى لازم نسأل نفسنا الأول ... إيه هى الأسباب اللى وصلتنا للحنا فيه ده ... صح (ينتظر الرد) ها ... صح وألا لأ ؟

الشخص: (مازال يفكر).

السسزوج: ها ... نكمل.

الشخص: (مازال يفكر) .

السيزوج: حانكمل وألا إيه.

الشبخص: لأ ... كمل ... كمل .

السسزوج : ماشى ... (ثم للشاب) ها ... معايا .

الشاب : معاك .

السسزوج: هل الفقرحق الهي.

الشــاب: جايز.

الــــزوج: بس ربنا لما خلق الناس ... ما خلقهمش أغنيا وفقرا .

الشياب: أزاى ؟

الـــزوج: أدم ما كانش فقير ... ولا حوا كانت غنية .

الشاب : مظبوط ... ومظبوط جدا .

الـــزوج: يبقى الفقر في الحالة دى دنيوى.

الشاب : يعنى إيه دنيوى ؟

الـــزوج: يعنى الناس هي اللي عملت حكاية الفقر والغنى .

الشاب : أزاى ؟

الـــزوج: لما بدأ الإنسان يملك ... لما ظهرت كلمة بتاعى ... دى السان على ... ودى لى ... ودى لى ... ودى لى ... ودى لى ... وهكذا .

الشساب: قام ... مظبوط ... أنت هايل .

السيزوج: وهنا بقى ... تكمن الحقيقة.

الشاب : حقيقة إيه .

الــــزوج: حقيقة أن ربنا مالوش دعوه.

الشــاب: أمال مين اللي ليه دعوه.

الـــزوج: الناس ياعزيزى ... الناس هى اللى قسمت ... ووزعت ... وأخترعت الكلمات اللى من أهمها ... الأغنياء والفقراء.

الشاب : عريزي ... أهنيك ... مش ممكن ... أنا مش قادر

أصدق ... كل المعلومات اللي جت لنا عنك صع ... أنت بطل ... أنت عظيم (وهو يكاد يبكي) أنت ... شيوعي (ثم يحتضنه بعنف ويبكي) .

الــــزوج: (للشخص) إيد ده بقى (الشاب مازال يبكى على كتفه بنحنحة خفيفة).

الشخص: كمل ... كمل .

السسزوج: أكمل إيه.

الشحص: مش أنت اللي بدأت.

الــــزوج: أيوه ... بس ما كنتش أعرف أنها حاتوصل لكده .

الشخص: طب كمل لما نشوف أخرته إيه ده.

السسزوج: حاضر (الشاب مازال يبكى بصوت نحنحة) ياعمى ... يا أستاذ خلاص بقى ... كفاية كده ... إيه ... هاتقطع روحك .

الشهاب: (وهو يخاول أن يمسك نفسه عن البكاء) لأه ... أصل في الأيام دي صعب أن الواحد يلاقي حد زيك ... بفطرتك الهايلة دي ... خصوصا بعد ما سقط الاتحاد السوفيتي ... وإحنا وشنا بقي في الأرض . مفيش أي حيطة نقدر نتسند عليها ... وبعدين ماضينا فيه شويه وساخة .

الـــزوج: وساخة ازاى يعنى .

الشان معظمنا كان غلبان ... فكان بمجرد ما ترميله الشاب الطعم ... ينخ على طول .

السروج: وإيد هو الطعم ده!!

الشساب: یعنی کرسی هنا ... مرکز هناك ... شهرة ... مال ... جاه ... بس إیه بنعرف نناور برضه ومحدش بیقدر یمسك علینا حاجة ... یعنی بالعربی ... فینا بجاحة .

السسزوج: أيوه ... بس أنا .

الشاب: أنت لأ ... أنت حاجة تانية ... أنت لسه بخيرك ... أنا مش قادر أصدق ... لسه فيه منك عايشين في البلد (ثم يعود للبكاء وبحرقة) ياحبيبي يا أخويا .

السسزوج: ياعمى ... ياعمى كفاية بقى .

الشـــاب: مش قادر ... مش قادر .

الــــزوج: بس أنا لحد دلوقتى ... مش قادر أفهمك .

الشــاب: أزاى ... أنت بكلامك اللي قلته ده ... تبقى معانا .

السسزوج: معاك ١٤ (فجأة يظهر الملتحى من مكان ما) .

الملتسحى: لأه ... ده معانا إحنا .

الشاب: (وقد فوجىء بوجوده) أيه ده إيه اللي جاب ده هنا .

السيزوج: أنا عارف.

الملتسحى : هو ده اللي أختفي من شويه .

السيزوج: أنا عارف.

الشساب: (للملتحى) أنت إيد اللي جابك هنا.

الملتسحى: اللي جابني هو اللي جابك .

الشساب: ياسلام.

الملتحى: كنت فاهم هاتدوم لكم ... مش كده .

الشساب: وهي يعني هاتدوم لكم أنتم .

الملتسحى: أنتم على الأقل جت لكم الفرصة.

الشاب : بس التطبيق كان غلط .

الملتسحى: وإحنا مالنا ... نأخذ فرصتنا إحنا بقى .

الشاب : ما أنتم أخدتوها في إيران .

الملتسحى: مش كفاية.

الشساب : طب أخرج من هنا حالا وألا .

اللتسحى: هاتعمل إيه يعنى ؟

الشاب : ها بلغ عنك .

الملتحى: ها تبلغ مين.

الشاب: الحكومة.

الملتحى: ياخبر ... دلوقتى بقيتوا مع الحكومة ... مش أنتم

المفروض ضد الحكومة.

الشساب: إحنا والحكومة دلوقتى في خندق واحد ... نخلص من حربكم ... وبعد كده .

الملتسحى: مفيش فايدة ... بهلوانات ... هاتعيشوا وتموتوا بهلوانات .

الـــزوج: (فجأة يتدخل) إيه باأخرنا ... أنتم نسيتونى وألا إيه ؟ نحن هنا .

الشاب : حسابك معايا بعدين .

الملتسحى: (ساخرا) هيء ... لنا نشوف.

الشـــاب: أسمع ... مبروك ... أنت معانا .

الملتــحى: لأ ... أنت معانا إحنا .

الـــزوج: (للشاب) أنتم مين ؟! (ثم للمتلحى) وأنتم مين ؟

الشاب: إحنا التقدمية.

الملتسحى: وإحنا الهوية.

الشاب : إحنا الإثارة .

الملتسحى: وإحنا الإنارة.

الشاب: إحنا الحضارة.

الملتسحى: إحنا الأصالة.

الشسساب: إحنا العلم.

الملتسحى: إحنا العقل.

الشــاب: إحنا الدستور.

الملتسحى: إحنا القرآن.

الشــاب: إحنا القانون.

الملتسحى: إحنا الشريعة.

الشهاب: إحنا الديمقراطية.

الملتــحى: إحنا الشورى .

الشياب: إحنا العدل.

الملتسحى: إحنا الرحمة.

الملتسحى: أنت لازم تحدد نفسك.

الشاب : وبسرعة مطلقة .

الملتسحى: يايين .

الشار: يايسار.

الملتسحى: يا إما إسلام.

الشساب: يا إما شيرعية.

الــــزوج : وأنا اخترت .

الشاب: (والملتحى في سرعة مذهلة) اخترت إيه ؟

المسروج: الملوخية (ثم يضحك وكأنه قال نكته بايخة).

الشــاب: وضيع.

الملتسحى: سافل.

الشساب: رجعي.

الملتسحى: كافر.

الشاب : إمبريالي .

الملتحى: علمانى (من الأن فصاعدا سوف يتحدث كل من الشاب والملتحى وكأنهما شخص واحد) .

الشــاب: ما تتعبش نفسك .

الملتسحى: مفيش فايدة.

الشياب: ومفيش وقت.

الملتــحى: ياله بسرعة حدد.

الشاب : أنت إيد .

الملتسحى: قدامك عشر دقايق.

الشــاب: لازم تحدد نفسك فيهم بسرعة.

الملتسحى: والا (يخرج خنجر حاد من الجلباب ويوجهه نحو رقبة الزوج) .

الشساب : والا (يخرج مسدس من جيبه ويوجهه نحو صدر ... الزوج) . الــــزوج: حاضر ... عينيه ... بس سيبوني العشر دقايق دول.

الملتسحى: ماشى.

الشسساب: بس لو حاولت تلعب بديلك .

الملتسحى: مش ها نرحمك.

الشساب: أد أحنا حذرناك.

الملتحى: وأنت حر (ثم للشاب) أتفضل يا أخى.

الشاب : لا والله ... حضرتك الأول .

الملتسحى: لأه ياأخى المناضل ... أنت ضيف ... واكرام الضيف وأجب.

الشاب : طب إيه رأى سيادتك في اتنين كابتشينو.

الملتــحى: الله ... الله ... الله ... (ثم يذهبان من مكان ما) .

السروج: (وحيدا) ياولاد الهرمة ... فجأة يتفقوا مع بعض ... وفجأة ضد بعض ... والجدع بتاع اليسار طالع واكل ... نازل واكل ... مرة مع الإسلام ... ومرة مع الحكومة ... ومرة مع نفسه ... طب أزاى ؟

الشحص: (يتدخل أخيرا) ما أحنا قولنا أن اللى بيحدد ده ... حاجة واحدة .

السنزوج: إيدهي.

الشخص: المصلحة.

الــــزوج: طب وأخرتها ياعم.

الشبخص: مفيش قدامك غير أنك تكمل.

الــــزوج: وأنت هاتفضل قاعد تتفرج كده على طول.

الشخص: طالما أنت بتلعب.

الـــزوج: طب مش تعمل حاجة.

الشخص: حاجة زي إيه.

الـــزوج: تغيرها ... تتدخل على الأقل.

الشـخص: بس أنا ماليش دعوة.

الـــزوج: مالكش دعوة أزاى ... مش أنت صاحب اللعبة كلها .

الشـخص: بس أنت البطل.

الـــزوج: بعد كل المرمطة اللي أنا فيها دى ... وبطل.

الشخص: طبعا ... علشان لسه واقف على رجليك وبتحاول .

الـــزوج: بس مفيش نتيجة.

الشخص: بالعكس ... أنت وصلت لحاجات كتير ... بس عيبك ألشخص أنك مش عايز تشغّل عقلك .

السيزوج: وهو أنا هاعيش وألا هاشغل عقلى.

الشـخص: الاثنين ياعبيط مع بعض ... تعيش وتشغّل عقلك .

الـــزوج: لكن إيد الحاجات اللي أنا وصلت لها ؟

الشـخص: أولا ... أنتم ليه بتكرروا مأساة الأخرين .

السسزوج: صح ... وثانيا.

الشخص: أن الفقر من اختراع الناس ... مش من اختراع ربنا سبحانه وتعالى .

السسزوج: مظبوط .. وثالثا .

الشحص: أنك مش حر ... وحربتك مرتبطة بالمجتمع اللي بتعيش فيه وهو بيئقسم إلى أقلية ... وأغلبية ... أنت بقى مع

السسزوج: أنا مع الغلابة.

الشخص: والغلابة ... أقلية وألا أغلبية .

الـــزوج: لأه ... الغلابة أغلبية ... أغلبية قوى .

الشخص: طب نظامك بقى ... السياسى والاقتصادى والاجتماعى والاجتماعى لصالح مين الأقلية ... وألا الأغلبية ؟!

السسزوج: مش عارف.

الشخص: ما هو هنا بقى ... مربط الفرس.

السسزوج: أزاى.

الشخص: أنت بتسألني.

السسزوج: أمال اسأل مين.

الشخص: اسأل نفسك .

السيزوج: تانى ... يعنى تأخد الكرة منى ... وفي الآخر ...

تبصيها لى تانى .

الشـخص: مش هو ده أصول اللعب.

السروج: (بعد لحظة تفكير) أيوه ... صح ... عندك حق ... أنا اللي لازم أحدد لازم أقرر ... أمال أزاى أيقى حر ... طول عصرى وأنا بأحاول أهرب من المشكلة بدل ما أواجهها ... لأ ... مفيش هروب من النهاردة ... أما أنا عسبيط بشكل ... أزاى أبقى حر وأنا القيود محوطانى من كل ناحية ... الفقر قيد ... مراتى وأولادى قيد ... الشغل قيد ... النظام والقانون والعادات والتقاليد قيود ... الايدلوجية قيد ... حتى الجنس كمان بقى قيد ... يبقى علشان أبقى حر فعلا مفيش قدامى غير حل واحد .

الشخص: إيد هو ياترى.

السيزوج: هات لي مراتي قوام.

الشخص: (وفي دهشة مطلقة) إيد ؟! أنت هاتعمل إيد ؟!

السروج : لأه ... مالكش دعوة ... من هنا ورايح سيبنى أعمل كل دعوة ... من هنا ورايح سيبنى أعمل كل حاجة بنفسى ... أنا خلاص بقيت حر أو بمعنى أصح ...

. قررت أبقى حر ... يالله ... مراتى بسرعة .

الشخص: حالا (أصوات رعد وبرق ... موسيقي مرعبة ...

الأضواء تتعلير وترتعش ... ثم فعاة يهدأ كل هذا ونفاجىء بوجود الزوجة وهي تقف أمام الزوج).

السسزوج: أه ... أخيرا ... أهلا يامدام.

الزوجسة: إيد ... فيه إيد ... بعت لى ليد ؟

الـــزوج: فيد موضوع لازم نتكلم فيه.

الزوجسة: موضوع إيد يانيلد.

السسزوج: مرضوع حياة أو موت.

الزوجسة: إيد هو ياترى .

السسزوج: (في قوة غير عادية) العلاقة اللي بينا .

الزوجسة: مالها.

الـــزوج: لازم تنتهى.

الزوجسة: (وقد فوجئت بالطبع) إيد .

الشـخص: (متدخلا) يا أخوانا ما يصحش كده.

الــــزوج: (في قوة) شه ... أرجوك .

الزوجسة: والحب اللي بينا.

السروج: كلام فارغ.

الزوجية: وأنا وقفت جنبك.

الـــزوج: بس جبتيني ورا.

الزوجية: أنت أكيد مش في وعيك.

الـــزوج: لأ ... وأنا في قمة وعي ... أنت طالق ياهانم .

الشـخص: (متدخلا) ياخبرك أحرس ... أنت بتعمل ايد ؟

الــــزوج: وبعدين معاك ... قلت أسكت.

الشخص: أيوه ... بس دا أبغض الحلال عند الله ... الطلاق .

الــــزوج: بأقولك إيه ... أنت ها تعملى مأذون ... دى حياتى وأنا حر فيها .

الشحص: وأنا مالي يا أخريا .

الزوجسة: (تعبود للتسمشيل وهي في دهشة) أنا مش قبادرة أصدق ... مش ممكن .

السروج: بالعكس ... ده الممكن الوحيد اللي كان لازم أعمله من زمان .

الزوجــة: طب ولادك.

السيزوج: مش عايزهم ... خديهم ... أرميهم حتى ... ماليش دعوة .

الزوجسة: (وهى تكاد تبكى) يعنى بعد العشرة دى كلها ترمينى فى الشارع .

السسزوج: أنت السبب.

الزوجسة: السبب في ايد .

السسزوج: ضحكت على ... حققت أحلامك على حساب أحلامى .

الزوجسة : وأنا أحلامي كانت إيه .

السيزوج: أنك تتجوزيني .

الزوجىة : وهو أنت حلم .

الـــزوج: (في كبرياء واضح) أمال أنا إيد.

الزوجسة: وأنت كابوس.

الـــزوج: (في دهشة مطلقة) إيه!!

الزوجسة: (وهى تثور عليه) يا أخريا اتلهى ... دانت واكسه ... وائل كان قدامى سيد سيدك ... على السرايا اللى معيشنا على إيه ... على السرايا اللى معيشنا فيها ... وألا الفلوس اللى منغنغنى فيها .

السروج: أيوه ... شفت ... الفلوس ... أنت عايزة تعيش وخلاص ... أحلامك تبدأ صغيرة ... وبعد كده تفضل تكبر وتكبر لحد ما تفرقع ... أول ما عرفتيني كنت تتمنى تعيشي معايا في عشة فراخ ... بعد كده العشة بقت شقة صغيرة ... بعد الولاد ماجت ... الشقة لازم تكبر وبعد كده بقي عايزة الشقة سرايا ... طب أزاى ؟! أو منين ١١ ووسط المجتمع اللي احنا عايشين فيه ده ... وبعدين أنا ... أنا فين أحلامي فين ... ياناس ...

الزوجسة: ياخويا ... اتلهى ... أنت لسه فيك لسان وبتتكلم بيه طب اتنيل وحط في عينيك كيس ملح واتكسف على دمك وإنت تبوس أيدك وش وظهر اللي فيه واحدة زي بصت في خلقتك ووافقت عليك ... أنت فاكر نفسك جوز ... وأنت ولا حصلت جوز جذمة حتى .

السسزوج: (ثائرا فیها) أخرسی ... بره ... أنتی لسه واقفه مستنیة إیه ... أنتی خلاص ما بقتیش علی ذمتی ... خشی لمی هدومك من جوه وعلی بره یاله ... بره ... بره ... بره ...

الزوجسة: (وهى تبكى فجأة) معقولة ... أنا خلاص ... مابقتش مراتك ... أه يانى ... ياميلة بختى يانى ... ياميلة بختى النوم) .

الشعص: (متدخلا سريعا) ياخبر ... الحق.

السيزوج: الحق إيد.

الشعص: الحقها قبل ما تخش أودة النوم.

السسزوج: ليه؟

الشـخص: ليد إيد ... أنت ناسى اللي نايمة جوه.

الــــزوج: ياخبر. (يحاول التحرك ليلحق بالزوجة ولكنه يفاجي، بها). الزوجية : هي دى أحلامك ياحضرة الزوج المحترم .

السيزوج: لأ .. أنت فهمت غلط.

الزوجية: أه يا سافل ياوقح يامنحط ... وعلى سريري كمان .

الـــزوج: ياستى لأ ... محصلش حاجة.

الزوجسة: أمال الهانم اللي نايمة جوه ديد ... نايمة ليد .

الـــزوج: ما أنا مش عارف أقولك إيد.

الزوجية: علشان كده عايز تخلص منى ... مش كده .

السيزوج: لأه ... والله لأه.

السسزوج: ياخبر ... إيد ده.

الزوجسة: ما أنت في أيدك تطلقني ... والقانون في صفك ... طب أنا بقي بأيدي إيد ... خلاص على وعلى اعدائي .

السسزوج: لأ.

الزوجسة: باباي ياحبيبي.

الــــزوج: استنى (ثم للشخص) الحقنى ياعمى .

الشخص: وأنا مالى يا أخويا ... أنت مش قلت لى سيبنى وأنا حر ... خلاص ... أديك حر .

السيزوج: (في منتهي الرعب) يانهار أحوس (ثم للزوجة)

أرجوكى ... حاولى تفهمينى .

الزوجية: أكثر من كده.

الـــزوج: طب ليه تضيعي نفسك علشان واحد سافل زي .

الزوجية: يعنى بتعترف بسفالتك.

الـــزوج: أعمل إيد ... ما أنا عايز أعيش.

الزوجية: أنت ما تستحقش أنيك تعييش ... أنت كيداب ... كداب .

السسزوج: (فى خوف مطلق) لأ لأ (فجأة تطلق الزوجة النار عليه فيسقط على الأرض وتلقى المسدس بجواره . ثم تخرج سريعا من مكان ما ... لحظة لمدة ثانية ثم) .

الــــزوج: (وهو يقوم من الموت) إيه بقى الحركات دى !

الشخص: إيد ... هاترجع في كلامك ... أنت مش قايل لي هات لي . مراتي .

الـــزوج: أيوه ... بس أنت عارف أن فيد واحدة نايمة جوه .

الشعص: طب ما أنت كمان عارف.

السيزوج: نسيت يا أخى .

الشبخص: طب وأنا ذنبي إيد ؟

السيزوج: مش أنت اللي أديتها المسدس.

الشخص: أنا؟ (وهو يضحك إلى حد ما).

السسزوج: طبعا ... إيه اللي يخلى مراتى تشيل مسدس في شنطتها .

الشـخص: أعملك إيد ... ما أنت بجح .

السنزوج: أنا بجح.

الشبخص: أه ... تقولى هات لى مراتى ... وأنت عندك واحدة ناعة

السسزوج: أيوه ... فكرتنى باللى نايمة جوه ... سيبنى بقى .

الشبخص: أنت هاتكمل.

الــــزوج: طبعا ... بس زي ما أنا عايز ... فاهم .

الشخص: يعنى مش عايز منى حاجة.

السسزوج: برضد ما يمنعش أنك تساعدني من وقت للتاني ... من تحت لتحت يعني .

الشخص: ماشى ... مشكلتى الوحيدة ... أننى باحبك .

الــــزوج: وأنا والله كمان باحبك . (تظهر المدام من حجرة النوم) شد سيبنى بقى أشوف شغلى ... أهلا يامدام .

المسدام: إيد الحكاية.

السسزوج: حكاية إيد.

المسلم: مين اللي ضرب نار ؟

السسزوج: (وقد تذكر فجأة يلتقط المسدس من على الأرض) أنا

(ثم يوجهد نحو المدام).

المسسدام: (وهسى تلاحظ بالطبع) أيه ده ... أنت ناوى

تعمل إيد ؟

الـــزوج: زى ما أنت شايفة.

المسدام: حاتقتلنى.

الـــزوج: علشان أبقى حر ... لازم أخلص منك .

المسسدام: منى أنا.

السسزوج: طبعا.

المسدام: مش هاتقدر.

السسزوج: لأ ... حاقدر.

المسلم: أنت ضعيف.

الــــزوج: لأ ... قوى .

المسلم: أنا جواك.

الــــزوج : ولو .

المسسدام: في دمك .

السسزوج: ولو.

المسسدام: (وهي تقترب منه في تحدى) طب أنا قدامك أهو.

الــــزوج: (وهو يبتعد عنها في خوف) أبعدي .

المسدام: طب ما تضرب.

السسزوج: هاضرب . (ولكنه لا يفعل) .

المسكين .

الـــزوج: لأ ... حر .

المسلم: بتدافع عن قضية خسرانة .

السيزوج: أبدا ... كسبانة.

المسلم : مأوح (وهي تقترب مند) .

السسزوج : مصر (وهو يبتعد عنها) .

المــــدام: متحمس.

الـــزوج: متمرد.

المسدام: جبان.

السسزوج: إنسان.

المسلم: (في قوة وتحدى واستفزاز) بأقولك جبان .

السنوج: (صارخا فيها) لأ ... إنسان ... إنسان (ثم يدوس على الزناد ولكنه يفاجى، بأن المسندس خالى من الرصاص) .

المسلام: (تضحك بانتصار وخلاعة).

السنوج: (وهو ينظر للشخص) معقولة ... كل ما أجى أحس بالحرية ... اتمسخر كده (المدام مازالت تضحك عليه) أرجوك ساعدنى (فحاة يلقى له الشخص بسكين

فيلتقطه الزوج ويشعر بالقوة ... رد فعل غير عادى على وجه المدام) ها ... لسه برضه مش مصدقه ... أنى حر .

المسدام: لأ ... أنا كان قصدى ...

السنزوج: (وهسو يقترب منها بالفعل) خلاص يامدام ... ما عدتيش تتحكمى في تانى (يهجم عليها وتحاول الفرار ولكن يلحق بها).

المسلم: لا ... أوعى ... سيبى ... سيبى ... الحقونى . ياناس ... الحقونى .

الـــزوج: ماتتعبیش نفسك ... حریعنی حر (ثمیقتلها بالسكين).

المسلم: (تصرخ ثم تسقط على الأرض) .

السيزوج: (وهو يلقى بالسكين للشخص) الحقنى بقى بمسدس متعمر ... يالله قوام .

الشعص : أنت حا تعمل إيه تاني .

الـــزوج: هات بس (الشخص يلقى بمسدس فيلتقطه الزوج ويختفى في مكان ما) .

الشـــاب: (يظهر ويفاجيء بوجود المدام مقتولة) يا خبر إيه ده. المــــام: عملها.

الشاب : مش محن .

المسلم : أنا نفسى مش مصدقة ... لكن ده اللي حصل .

الشساب : مع أنى كنت واثق من ضعفه .

المسلم: كان المفروض حد فينا يتغلب عليه.

الشساب: طب والعمل.

المسلم : الحق أمنعه ... قوام ... دوّر عليه في كل حته ... لازم تخلص منه ... لازم ... لازم (ثم تموت ... الشاب يبدأ في البحث عن الزوج ثم يفاجيء به وهو يوجه نحوه المسدس) .

الشساب : صدقني ... خلاصك معايا .

السسزوج: أزاى.

الشساب: لأن ... نظامنا ... نظام الغلابة .

السسزوج: وأنتم بره السلطة بس.

الشــاب: أحنا.

السيزوج: لكن أول ما تقعدوا على الكراسي.

الشــاب: أحنا .

الــــزوج: بتبقى مراحل.

الشــاب: أحنا.

السيزوج: وباسم الحفاظ على الغلابة.

الشــاب: أحنا.

الـــزوج: بتجوعوا الغلابه.

الشاب: أحنا.

السيزوج: الله ... جرى إيديا ابا ... أنت علقت .

الشاب: أحنا (الزوج يلطق عليه النار فيسقط بجوار المدام وهو مسازال يردد) أحنا ... أحنا (الزوج يلقى بالمسدس للشخص ثم يحمل كل من المدام والشاب ويضعهما في حجرة أخرى في مكان ما ولكنه يفاجي، بالملتحى وهو يأتى من خلفه ويضع السيف في ظهره).

الملتسحى: عندك.

السسزوج: إيدده.

الملتحى : حركه واحد واغرز السيف في ظهرك ـ

السسزوج: أهلا ... هو أنت .

الملتحى: طبعا ... فاكرنى حاسيبك .

الملتسحى: تحدد نفسك ... أخترت وألا لسه .

السروج: والله ... لحد دلوقتى (يشاور للشخص طالبا منه الغوث والإنقاذ دون أن يراه الملتحى بالطبع) .

الملتسحى: ها ... لحد دلوقتى إيه ؟

السيزوج: هم العشر دقايق فاتو.

الملتسحى : طبعا ... ها ... قول (بغرز السيف مره أخرى فى ظهره) .

السيف وبحركة سريعه يهرب الزوج من الملتحى ويلتقط بسيف وبحركة سريعه يهرب الزوج من الملتحى ويلتقط السيف من الشخص ... ثم يواجهه الملتحى ويتبارزان وفي النهاية يسقط الزوج السيف من يد الملتحى ثم يضع سن السيف في بطن الملتحى) بس ... أهو أنت دلوقتى تحت رحمتى .

الملتسحى: أرجوك ... في عرضك .

السسزوج: أنا لازم أقتلك.

الملتسحى: تقتل أخوك في الإسلام.

الــــزوج: وأنا ماكنتش أخوك في الإسلام لما كنت عايز تقتلني .

الملتحى: أنت كنت ضال يا أخى وأنا جيت أنقذك .

الـــزوج: تنقذني من إيه.

الملتسحى: من نفسك .

السيزوج: ياسلام ... بقيت واصى على .

الملتسحى: خلاصك معانا.

السسزوج: إيد الدليل.

الملتسحى: نظامنا.

الـــزوج: النظام الشمولى .

الملتسحى: لأ النظام الحق.

السنوج: أي حق ؟!

الملتسحى: العدل والرحمة.

السيزوج: كلام عام.

الملتسحى : علشان تبقى حر ... لازم تبقى مؤمن .

الـــزوج: وهي القضية قضية إيمان.

الملتسحى: طبعا ... المشكلة أخلاقية.

السسزوج: بالعكس ... المشكلة اقتصادية.

الملتحى: جاهل.

السيزوج: لأ ياعزيزى ... فاهم ... أو على الأقل ... بدأت أفهم .

الملتــحى : مادى ... كافر .

السسزوج: مين اللي أداك الحق تكفرني.

الملتسحى: القانوني السماوي.

السسزوج: أنت مسكين.

الملتسحى: أنا .

السيزوج: صعبان على .

الملتــحى: أنا .

السسزوج: بتدور على مكانه.

الملتــحى: أنا .

الــــزوج : لما ساحت الألوان على بعض ... بدأت تتوه .

الملتسحى: أنا ا

السيزوج: فرجعت لورا.

الملتسحى: أنا.

السيزوج: علشان تحميى نفسك.

الملتسحى: أنا.

الــــزوج: أنت يا عزيزى نتيجة.

الملتحى: أنا.

السسزوج: لكل اللي فات.

الملتــحى: أنا .

السسزوج: يبقى أحنا لازم نحاسب اللي فات.

الملتـــحى: طب وأنا.

السروج: أنا ... أنا ... أنا ... أنت برضه علقت ... سلام (ثم يغرز السيف في بطنه) .

الملتــحى: أى (ثم فجأة وهو يموت) أنا ... أنا ... أنا ؟!

السسزوج: (وهو في قبه النشوة) بس ... خلصت منهم ... كده بقى ... أنا بقيت حر.

الشيخص: (متدخلا) لأ ... لسه.

السيزوج : لسه إيه تانى .

الشبخص: أنت نسيتهم وألا إيد؟

الـــزوج: نسيت مين (لحظة ثم يتذكرا) أه ... ياخبر (لحظة تفكير لثانية ثم) نزل الحيط (تنزل الحائط من مكان ما وهي مواصفات الحائط السابقة) أيوه ... حلو كده ... الحقنى بقى بشوية سكاكين ... وألا أقولك ... خليهم مسدسات ... (لحظة أخرى ثم) وألا أقولك ... الحقنى برشاش ... أيوه ... دول ما ينفعش فيهم ألا الرشاش (الشخص يلقى له برشاش بالفعل) بس كده بقى أنا جاهز ... لما أقولهم السيم علشان يظهروا (لحظة ثم) أنا حر (يضحك ثم) أنا حر ... (يضحك بثقة أقوى ثم) أنا حر ... أنا حر . (تهتز الأضاءة ... والجدار المعلق ... والألوان تتغير وتتداخل ... ثم نسمع أصوات الرعد والبرق ينشق الجدار عن الثلاثة الأول والثاني والثالث).

الأول: أيه ده ... أنت لسه بتقول أنا حر (فجأة يفتح « الزوج » الرشاش عليهم جميعا فيتساقطون تباعا واحد خلف الأخر على الأرض) .

السيزوج: (في فرح مطلق) الله وأكبر ... الله وأكبر ... خلصت منهم ا!

(وهو يكاد يرقص بحملهم واحد خلف الأخر ثم يضعهم مع الأخرين بالداخل) بس ... كده بقى ... أنا بقيت حر فعلا ... (ثم للشخص) صع ؟

الشخص: (في ضيق واضح) صح إيد ؟! أنت عارف اللي عملته ده ... معناه إيد ؟!

السيزوج: معناه إيد ١١

الشـخص: فرضي.

الـــزوج: (متسائلا) فوضى ؟!

الشخص: أيوه فوضى ... عايز تعيش بدون نظام ولا قانون ولا عادات وتقاليد ولا حتى وجهة نظر سياسية ... طب إزاى ١٤

السروج: وليه لأ.

الشــخص: مش ممكن ... مستحيل .

السيزوج: ما هو لما تعيش طول حياتك في فقر وتتوارث الغلب ... تبقى فوضى لما ما تعرفش تحقق حلم واحد على الأقل في حياتك ... تبقى فوضى ... لما تلاقى القيود محوطاك من كل ناحية وما أنتش عارف تتخلص منها تبقى فوضى

لما تسيح كل الألوان على بعض ... وما تعرفش تفرق الأبيض من الأسود ... تبقى فوضى ... لما الخصم يبقى الحكم ... والحكم يبقى الخصم ... تبقى فوضى ... لما تلاقى التافة في القمة ... والفاهم في الحضيض ... تبقى فوضى ... لما يبقى الصبح غلط ... والغلط صح ... تبسقی فسوضی ... طیب بقی ... فسوضی بفوضى ... نخليها كلها فوضى ... على الأقل الفوضى اللي أنا بأعملها دلوقتي ... حتديني حريتي يوم ... ساعة ... لحظة حتى ... لكن الفوضى اللي أحنا عايشين فيها ... كسبان منها إيه ياحسرة ... مفيش غير القيود ... صح (ينتظر أن يرد ولكن لا يفعل) أه ... طالما ما بتردش ... يبقى صح ... عن أذنك (ثم يذهب إلى التليفون) أديني الحرارة .

الشخص: ها تعمل إيه ؟١

الـــزوج: هاتصل بواحدة تانية.

الشخص: تاني ؟!! مفيش فايدة !!

الــــزوج: (في التليفون) ألو (يأتي إلينا من الهاتف الأخر صوت المدام وهو ناعم) ..

الصيوت: ألر ... أنا المدام.

السسزوج: أهلا ... أنا عايزك .

الصيوت: فين ١١

السروج: في البيت.

الصبوت: بس الليلة بيت جنيه.

الـــزوج: ياخبر ... إيه ده ... أنتم بترفعوا الأسعار بسرعة جدا .

الصيوت: إذا ماكنش عجبك ... بلاش .

السسزوج: لأ ... هأدفع ... هأدفع .

الصحوت: ياه ... وأنت باين عليك تعبان قوى .

السيزوج: قوى يامدام ... لأ ... جدا .

الصسوت : ثواني وهأكون عندك ... أديني العنوان .

الـــزوج: أنت مش عرفاه.

الصــوت: وهاعرفه منين.

السيزوج: من صوتى .

الصسوت : (بضيق واضح) نعم !! أنت مبجنون ياجدع أنت ... هاعرف العنوان من صوتك ؟!!

السروج: أنا أسف ياهانم ... أسف ... خدى العنوان ... ٧ شارع (لحظة ثم) بس اليفظة ممسوحة ... يعسنى ... اسألى على الشارع أبو يفظة ممسوحة ألف مين يدلك ... ماشى .

الصيوت: ماشى ... بأى (ثم تغلق السماعة) .

الـــزوج: ياسلام ... يظهر أن المرة دى بحق وحقيقى لأنها طلبت العنوان ... واضح أن المرة دى ... مفيش لعب ... (ثم للشخص) أنزل بالباب ياعمى أنزل ... عايزين نعيش بقى ... أوف ... ياساتر ... (لحظة ثم) بس خلاص أنا حاسس أنى بقيت حر ... لأ ... دانا مش حاسس ... دانا متأكد أنى حر فعلا ... (فجأة خبط على الباب) إيدده ؟! معقولة لحقت تيجي (الخبط مستمر) إيه ... ممكن يكون حلم راخسر ... لأ .. مش ممكن (الخسبط مستمر) دى المرة دى خدت العنوان (ثم للشخص) إيه ياعمي ناوي على حاجة المرة دي (الشخص يشاور له علامة على النفى) الله ... طب مين اللي بيخبط طيب ... يبقى أكيد هي ... أحتمال بيتها مـش بعيـد عـن هنا ... (يذهب إلى الباب ويفتحة يتفاجىء بالزوجة

الــــزوج: (في دهشة فزع) ياخبر ... أنت .

الزوجــة: (بتحدى) أه .

الـــزوج: إيد إلى جابك.

الزوجية: أنت مش عايزني أجي والا إيه ؟!

السيزوج: مش قصدى.

الزوجسة: أمال قصدك إيد ؟!

السسزوج: لأ ... بس يعنى (ثم متذكرا) أنت مش قلت ها تغيب يومين ؟

الزوجسة: وغبت يوم ... فيها إيه ؟!

الــــزوج: ولا حاجة ياستى ... بس ... (لحظة لا يدرى ماذا يقول لها) طب ووالدتك .

الزوجسة: مالها.

السيزوج: خفت ١١

الزوجسة: لأ.

السسزوج: ماتت.

الزوجـــة : أخرس .

السيزوج: يووه ... أمال حصل إيد بس.

الزوجسة: أطلقت.

السيزوج: (في فرح مطلق) إيد ؟!

الزوجسة: وهاتيجي تقعد معانا هنا.

السسزوج : هنا .

الزوجية: وأخواتي كمان معاها.

الـــزوج: كمان!!

الزوجسة: لازم تظهر قدامهم عظهر كويس.

الـــزوج: نعم!!

الزوجسة: أنت عارف أنا اتجوزتك أزاى ؟!

السيزوج: أفندم.

الزوجية : ضد رغبة العيلة .

السسزوج: فين (لم يعد يدرى ماذا يقول).

الزوجسة: جه الوقت اللي نثبت فيه أنك إنسان كفيء.

السسزوج: صع.

الزوجسة : هو إيد اللي صح .

السيزوج: مش عارف.

الزوجـــة: أنت لسه بتخرف .

الـــزوج : لسه ١٤

الزوجسة: ماما هاتيجي بكره.

الـــزوج: تيجى.

الزوجسة: بس أخواتي جايين ورايا.

السسزوج: ييجوا !!

الزوجسة: تقابلهم كريس.

السسزوج: حاضر.

الزوجسة: تكلمهم كويس.

السيزوج: حاضر.

الزوجية: تضحك في وشهم.

السنزوج: حاضر.

الزوجية: اضحك ... افرد بوزك ... يالله .

الـــزوج : أهو (يبتسم على الرغم منه ويكاد يتجمد) .

الزوجية: أهو كده. (ثم تختفى فى حجرة النوم ... لحظة أقل من النائية ثم تظهر « المدام » ولكن فى زى فتاة صغيرة ترتدى الجوئلة القصيرة بالحملات وبلوزة وبرئيطة أطفال على رأسها وهى تمسك بأحدى يديها بلونة كبيرة وبالأخرى مصاصة).

المسلم: (وهي تتوجه نحو الزوج) ازيك يا أونكل .

السيزوج: (مازال في حالة البلاهة والتجمد).

المسلم: (وهى تضحك من منظره تأخذ لحظة (ثم تختفى فى حجرة النوم) (لحظة ثم يظهر الشاب) بشكله الرسمى السابق ثم يتقدم من الزوج).

الشاب: جود مورنج مستر . (ثم يخرج ويختفى فى حجرة الشاب : جود مورنج مستر . الخطات ثم يظهر الملتحى وهو يمسك بيديه مبخره وهو يصيح :

الملتسحى: الله ... حى ... الله ... حى (ثم يؤدى له حسركات

شعوذة ثم يختفى مع الآخرين) . (لحظة أخرى ثم يظهر تباعا كل من « الأول والثانى والثالث » وهم فى صورة أطفال أبرياء يرتدون القسمسان المشجرة والشورتات بالإضافة إلى الصناديل البيضاء فى أقدامهم ثم يتحركون سريعا نحو الزوج وهو ما زال متجمدا) .

الأول : هاى .

الشانى: باي .

الشالث: هالو. (ثم يتحركون نحو حجرة النوم ولكن قبل الدخول يقفون وينظرون تجاه الزوج ثم يؤدون له حركة بديديهم معناها «هانوريك» ... ثم يضحكون معا ويختفون بداخل حجرة النوم ... يتحرك الزوج سريعا نحو الحجرة التي وضع فيها الجثث من قبل ثم).

السسزوج: معقولة ... مش ممكن ... دى الجثث لسه هنا أهى ... أمال اللى دخلوا هناك دول ... يبقوا مين ؟! هم مماتوش وألا إيه ؟! الله ... مش فاهم أنا الحستة دى ... (ثم للشخص) تفهمها لى أنت .

الشخص: (ينظر له ولا يدرى ماذا يقول له) .

الــــزوج : هاتفهمها لى وآلا لأ ... « تظهر له الزوجة مرة أخرى » .

الزوجسة: خليك معايا ... هايل ... برافو عليك ... المقابلة

كويسه جدا ... كلهم مبسوطين منك وفرحانين بيك خالص ... بس طبعا أنت عارف أنهم حايعيشوا معانا ومش عارفين حايعيشوا قد إيه ؟! وبالتالى المصاريف حاتزيد علينا ... لذلك المطلوب منك أنك تضاعف مجهودك وبدل ما تشتغل شغلتين . خليهم ثلاثة ... وأحتمال أربعة ... مش لازم تنام ثمن ساعات ... خليهم فلاثة ... بلاش تنام خالص ... فيهم هايجرى إيه يعنى ... ما طول عمرك بتنام ... خدنا إيه ؟! ... فاهم ... مش عايزين نتهز قدامهم ... أدينى نبهتك أهو ... وأنت حر .

السسزوج: (ساخرا من كلامها) نعم !! أنا ... حر ؟!

الزوجسة: أمال إنت إيد ؟!

السسزوج: أناحر... مه!!

الزوجاة: أفندم ... بتنكت حضرتك ... فاضى ورايق قوى ... عجايب (ثم تختفى فى حجرة النوم مرة أخرى ... بينما يظل الزوج فى مكانه مبتسما وساخرا ويكاد يتجمد على حاله مرة أخرى ... لحظة تتحول الإضاءة إلى بقعتين من الضوء فقط ... بقعة على الزوج ... والأخرى على الشخص فى مكانه) .

السروج: (بعد عدة لحظات من الصمت) الله ... إيه ياعمى ... هو أنا حافضل كده كتير.

الشخص: طب ما تفك نفسك يا أخى.

الــــزوج: (وهو يخرج من جموده بالفعل) أفك نفسى ؟!

الشبخص: آه ... خلاص.

السنوج: خلاص إيد ؟!

الشخص: خلصت.

السروج: هي إيه اللي خلصت.

الشيخص: اللعبة.

الـــزوج: (مندهشا) معقولة ١٤

الشخص: ومش معقول ليه ؟! أنت مش فهمت.

المستزوج: نعم ١١

الشخص: (يتأكد) إنت مش ... فهمت .

السسزوج: فهمت إيه ولا مؤاخذة.

الشعض: أصل اللعبة.

الــــزوج: أنا معاك ... بس إيد هي اللعبد أساسا.

الشخص: يانهارك إحوس ... يعنى كل التعب ده ... وعلى الشخص الفاضى ... يبقى على كده مضطرين نعيد من تانى .

السسزوج: (في رعب حقيقي) يا خبر ... نعيد من تاني .

الشـخص: طبعا ... هم مش بيقولوا ... التكرار يعلم ...

الـــروج: (يقاطعه بسرعة) الشطاريا عزيزى ... الشطار.

الشـخص: ماشى ... الشطار ... علشان ما تزعلش ... (ثم

للعاملين بالمسرحية) يالله ... غير ... رجع ... عيد

من تاني ... بسرعة ... قوام ... الخ

(يمكن إعادة جزء من بداية المسرحية إذا أمكن . لكن

يفضل أن يكون بدون حوار ولكن بصورة صامتة ...

وهكذا ... إلى أن يحدث إظلام ثم تنتهي المسرحية) .

صدر من الكتاب الأول

قـــصص عـاطف سليــمـان ۱ - صـــحــراء على حـــدة نقسد وليد الخسشاب ٢ - دراســة في تعــدي النص ٣ - حــــدث ســـرأ قــصص أمـــينة زيدان ٤ - رسيوم ميتسحسرگسة شـــعــر صــادق شـــرشـــر ٥ - ليس ســواكـــمــا شمعمر عميمه الوهاب داود شــعــر طــارق هــاشــم ٦ - احتمالات غيموض الورد ٧ - تدريبات على الجملة الاعتراضية قسسص مسطفى ذكسرى ۸ - کـــــلــــوديــــوس مسرحية محمد السلاموني ٩ - مسرحيتان من زمن التشخيص مسرحية محسن مصيلحي ٠١ - لــــــــــن شـــعـــر هدى حــــســين ١١ - أحـــلام الجنسرال مسرحية مسحسسدرزيق ١٢ - حسفنة شسعسر أصسفسر قسصص مسحسمد حسسان شنعتر عطينته حنسن ١٣ - يستلقى على دف، الصدف دراسست حسمسدی آبو کسیله ١٤ - النبيل والمصححريون ١٥ - الأسماء لاتليق بالأماكن شمعمر علزمي عليد الوهاب ١٦ - العبيقيو والسيمياح قييصص خيالد منتيصير ۱۷ – ناقد في كـواليس المسـرح دراســـة مصطفى عبد الحميد ۱۸ - أطيــاف شــعــرية تقسيد عيبدالله السيمطي تصيوص غيادة عييد المنعم قسصص ليسالي أحسسد ٠٠ ~ ســـارق الـــــوء ٢١ - رجع الأصلحاء نقللله جاليلة طريطر ٢٢ -- شـــــــروخ الـوقـت شيعير مياهرحييسن ٢٣ - أغشيــــة للخـــريف قسسص عساطف فستسحى ٢٤ - بائع الأقتنعـــــة مسرحية صلاح الوسيهمي

٢٥ - أفـــراخ الحـــمام قــصص شوقى عبد الحميد ٢٦ - كنوجهك مين ارتحال الصبناح شنسعسس خسسالد حسسندان ٢٧ - وشـــيش اليـــحسر روايسة أمــياني خليل ۲۸ - ناصــــة سليـــمـان قـــصص مــجـدى حــسنين ۲۹ - أغنيسة الولد الفسوضسوى شسعسر مسحسسود المغسريي ٣٠ - سيسؤال في الوقت الطسسائع قسيصص مستسدحت يوسف ٣١ - كــــرحم غــــابة شسعسس خسسالدأبوبكر مسرحية ياسلسرعلم ٣٣ - جـــمــر الأصــابع شبعبير أشبيبيرف يونس ٣٤ – سيقسوط ثمسره وحسيسلة قـــمص حــسن صــبـري ٣٥ – أمسسيات عسائليسة شعسر سيعسيد أبوطالب ٣٦ - مــــلامح وأحـــوال ناصـــرعـــراق تقــــد ٣٧ - كـــتــابة الصــورة محمد مختار نقسسد ٣٨ - نتـــاج الخـــوف مسرحية ناصــرالعــزيم، ٣٩- عناصر الإضحاك في مسرح بديع خيري نة___د متحتميد زعتيتمية ٠٤- أولـــــ أول مسحسمسد ناصسر حكايات ٤١ - وهيج الكتيسياية نقـــد حـسان بورقــيـة ٤٢- البنت مـــمسرية قـــصص مـصطفى الشـافـعي ٤٣- قسبل اكستسمسال القسرن روایسیة ذکسیسری نیادر ٤٤- تجسري بسسرعسة فسائقسة سيسحيس سيسامي شـــــــــر ٥٤- تـفـكـيك السروايـة تقسسد فستسحى أبورفسيعية قسصص رئسداطسد ٤٦- نـــفــس طـــويــل ٤٧ - الميتامورفوسيس في المسرح الحديث تقسيد مسروة مسهدي شبعبر جبميال فستبحى ٤٨ - فــى الـسـنـة أيـام زيـادة 14- مـــا تحـــاولش مسرحية مسصطفى سسعسد

الحنة الكتاب الأول:

غير ملزمة بإعادة أصول الأعمال إلى أصحابها سواء نشرت أو لم تنشر ـ

طبع بالهيئة العامة لشئون المطابع الأميرية رقم الإيداع ٢٠٠١ / ٢٣٢٦

